

東廳須問

續十二

熙朝室記述別集卷之十二目錄

政教典故

戶籍

號牌

兵制

講武

軍賞罰

戎裝軍器

良役

均役

盜賊

御宴

燃藜室記述別集卷之十二目錄

政教典故

戶籍

號牌

兵制

講武

軍賞罰

戎裝軍器

良役

均役

盜賊

御宴

優老

旌孝

婚禮

離婚附

庶孽

禁改嫁

音樂

女樂

俗節雜戲

燃藜室記述別集卷之十二

政教典故

戶籍

趙浚時務疏曰國法州郡每歲計口籍民故朝廷之徵兵
調役如指諸掌近來此法一毀守令不知其州戶口徵調
之際鄉吏欺蔽富壯免而貧弱行貧弱之戶不堪其苦而
逃矣貧弱逃則富壯之戶並受其役不堪其苦亦如貧弱
逃矣其任徵發者憤吏之欺蔽痛加酷刑則吏亦不堪其
苦而逃矣鄉吏百姓流亡四散州郡空虛者此戶口不籍
之流禍也

海東雜錄

脩

○太祖二年都恐評議使司奏言民無恒產者彼此相移戶
口日減自今成籍之後如有流離者罪其家長許接者同

脩

律里正之不即告官者及守令之許接而不還者本移去而不推覈者各宜杖責上從之

世宗十年版籍京城五部戶一萬六千九百二十一口十萬三千三百二十八城底十里戶一千六百一口六千

四十四

脩

○世祖五年申漏籍法現發者全家徙邊

○世傳開城府城內民戶前朝時十二萬而遷都後僅八千餘戶今漢都平時戶八萬不及開京之盛而壬辰亂後絕亡殆盡至今二十許年未滿數萬戶生聚之難如此芝峯

類說

○顯宗丙午命申明戶口帳籍法漏者罪徙邊志文

○肅宗元年乙卯以京外人民渙散無統之以士夫庶人

一從家座次第作統

○其法無論大中小戶五家為一統統中一人為統首五家作隣俾各畊耘相助出八相守疾病相救自五統至十統者為小里至二十統者為大里里中又差里正里有司二人以掌一里之事面有都副尹各一人毋論尹正統首限任三年有功能者薦聞論賞各里各統各聚財穀於面內本邑亦隨力助之俾行常平之例春散秋歛以為荒歲周賑之資一面之中必擇寬廣處可以合眾之地春秋會講業文者試文字業武者試弓馬以其所製及劃地上于本邑察其才藝而褒賞之此皆倣古鄉約之法兼有社倉之義當初因脩局之請雖下此法而然只有戶統之名法竟不行

號牌

脩 高麗恭讓王三年都堂請籍水陸軍丁仍帶號牌

○太宗二年承樞府上言欲知國內人民之數甲首助戶擇實差定乃急務也凡中外人民皆給牌錄名而成籍不然則宜考其所畔多小而為之命三府會議議論紛紜卒以考畔成籍為定未幾政府改請人給號牌因成戶口上從之而朝論不一四年甲申命會三府大臣更議可否河崙曰可行須當為之

脩

六年丙戌命政府更議號牌法知平州事權文毅上書曰人心有淳薄之變故立法有經權之異明太祖法令紀綱既嚴且明軍民之衆皆給號牌是以民庶絕流亡之心戶口無增損之弊此因世變而救之之術也恭惟國家立經

脩脩 脩景

陳紀一遵華制纖悉脩具獨於號牌未能及焉流以相繼
戶口日減願立鄉舍里長之法百戶置鄉長五十戶置舍
長十戶置里長良民賤隸之額靡不周知依中國之制皆
給號牌出入珮持如此則流離逃匿者無所容矣

○十三年癸巳十二月議政府定號牌法以聞

十六年丙申命罷中外號牌

攷事撮要作十五年除號牌

○世宗八年丙午 上曰向者大臣請復立號牌之法

太宗亦已行之以民不願罷之今若復行恐民之怨咨也
卞季良曰為一邑之主則當知一邑之戶口為一國之主
則當知一國之戶口為天下之主則當知天下之戶口今
民憚號牌者欲脫漏戶籍規避賦役矣號牌之法宜當舉

行 上然之

寶鑑

脩

○世祖 年申號牌法命李石亨搃之

時設號牌五年不就特舉石亨判漢城府事搃治悉以為

之

月沙集
樗軒碑

僉

○光海庚戌秋設號牌都監號牌之法自大臣百官下至

庶賤盡令各佩其牌中書姓名年歲居住役號失牌者則

收贖改出無牌者置極罪私做者處斬蓋使民不得逃也

免役也今各道各邑定限督促民不堪苦越三年壬子還

停只括成丹中白徒充保吏緣為奸罔有紀極

日月錄

壬子頒士夫號牌是歲還罷

攷事
撮要

足兵之策在於號牌號牌行則 無幸民頃在壬子設

廳成籍公卿以下佩至數日而罷我國之習不能耐久

如此類

芝峯
說

僉

○仁祖四年丙寅復行戶牌法丁卯亂後罷攷事撮要

是時軍額多耗李貴建議曰民散久矣宜先施行號牌上以為難行屢請行之

上欲行號牌法詢於李元翼元翼對以不可為曰號牌固王政但國俗不喜新政苟有事變則必先歸咎新政臣恐聖心不能持固而終為所奪故曰不可為也 上愛色曰

卿何輕視予也卒行之

菊圃瑣錄黃宋為注書親聞元翼所對

男丁十六歲以上佩號牌而東西班及內官二品以上牙牌三品以下及三醫司雜科者角牌生員進士黃楊木牌流品雜職士庶人書吏鄉吏小木方牌公私賤假吏大木方牌京則京逃外則各其官烙印以給軍兵仍用腰牌攷書

新書

彙

牌式牌後大年號烙印前面書年歲居住後面書年榜軍民大木牌書年住身長疤記宗室及文官以紅填字武青陰黃餘白色僧徒三朔南漢立役後給牌盜牌無牌者斬告者免役號牌廳令八道限數朔修籍上送查牌業白徒充軍又分遣御史巡按八道講汰校生充軍民間騷擾丁卯虜亂國人咸以為號牌召戎至平壤之民掛牌於城堞而走文學金堦趙綱等請罷號牌鎮人心

時叛主誣職之類乘會騷亂盡解號牌投地曰以此禦賊可也金趙諸人主姑息啓罷之

菊圃瑣語

僉

時京外皆令成冊編錄民丁事已垂成而因虜亂停止其成冊則尚在於漢城府及各道各邑故因其餘丁之名以定收布之數又令兩南抄兵以三分之一為限而民始困

笑

李恒福嘗言號牌之事始於元氏元始八中國悉以漢民分隸諸將至太祖十年忽睹虎括漢民戶分隸州縣至太宗元年分設三科中原以戶西域以丁蒙古以牛馬意者號牌之設必於二時也時夷夏統合版圖淆亂故使佩檀牌以相識認耳云後代因襲大率本意宜乎旋議旋罷者也陶齋隨筆

補元順帝至正十六年松江府印造官號給散吏兵以防奸偽作為圓圈繞圍皆火焰圈之內印府字圈之外府官花押此號牌之始

景
○孝宗己丑金集奏曰日後如有言號牌可為者必無輕施號牌者商鞅之法也為國當先立紀綱何事乎號牌

脩

○肅宗乙卯頒行紙牌法時申明統紀之法且因先朝成命始用紙牌凡統內男丁十六歲以上皆令佩之而牌面書某縣某邑某里某役某姓名年歲幾許公私賤則各書官主里正里有司着啣踏官印

○時因尹鐫達白行紙牌統紀之法朝廷多譏議而

述

丙辰正月頒相許積啓曰五家作統各持身上戶口即是先祖講定之事蓋以各據軍士及各司奴婢之逃故者不能詳知其實數致有侵徵隣族之弊民間怨苦多由於此至於流民任意遷徙之弊亦宜厘正故也到今愚下之民不知朝家之意創似聞紙牌之名轉相驚疑此法既行之後民間浮言自當鎮定而但聞守令不善奉行不但以戶

備

數減縮為慮。兇弱亦莫不增年定軍。故過慮朝家責其定軍額者。之不立戶同居一家之父子兄弟。勒定別戶使之分居。年弱不可各居者。則計其人口之數。造作空幕於其所居家傍。以為他日免責之地。兇弱定軍已違朝令而勒令分割。尤極痛駭。且流來之人亦當并錄於所居里之統內。設有日後逃走之弊。統首且當告知其由於官家而已。少無侵責之弊。而各邑不善曉喻。慮有日後之弊。使不得錄於統內。以接流民。無處止接。多有顛連道路者。流民不為回去。則火燒其家。民安得不愁怨也。而述

丁巳廟堂言。紙書戶口。非但磨破之可慮。藏諸囊中。不若佩之於外。人皆目見之。為愈。請依舊制。代以號牌。上從之。

戊午四月金錫胄上疏呈政院為右相權大運力沮還推
去疏畧曰以紙則千萬可印以木則圓方有體長厚有度
一有不合輒使改易有非閤閣下戶人人所可自治者也
且民之所以便於紙而不便於木也紙則蔽於內木則佩
於外內有可隱而外無可蔽夫鑑至明而模母憎焉以妍
醜之難逃也水至清而大魚不藏以鱗鬣之畢見也且伏
聞造佩者皆務為過厚書面可削役名可改種種奸巧將
與法具生為法益密而長奸無已噫郡邑弊務務行此牌
疫民弊襁務受此牌既佩之後又未見其有大便益而迷
已未二月府啓民人等紙牌不謹看守或致闕失誠為可
惡而第常漢輩衝冒雨雪長在道路一片紙有難保三年
佩持若以不謹看守略干科罪則可也至於勒徵贖物大

備

不可令聞漢城府改紙牌還收之際闕失之人其數過萬而每名必徵贖錢七十文四方慕效徵贖無藝述而左尹南九萬疏

後李華鎮
齊此啓

兵制

新羅置左右軍主後改為總管

新羅軍號有二十三一日六停二日九誓三日十幢四曰五州誓五曰三武幢六曰罽幢七曰急幢八曰四千幢九曰京五種幢十曰二節末幢十一曰萬步幢十二曰大匠尺幢十三曰軍師幢十四曰仲幢十五曰百官幢十六曰四設幢十七曰密知戟幢十八曰三十九餘甲幢十九曰仇七幢二十曰二罽二十一曰二弓二十二曰三邊守二十三曰新三千幢 又有東畿停南畿停西畿停北畿

停莫耶停

羅人謂營為停

麗祖初年討甄萱時有支天補天佑天武天扞天五軍

驍

○高麗太祖二年始置六衛

詳五衛都批府

備

肅宗九年始置別武班從尹瓘建議自文武散官吏胥至

于商賈僕隸及州府郡縣凡有馬者為神騎無馬者為神

步跳盪者弓精弩發火等軍年二十以上者非舉子皆屬

神步兩班與諸鎮府軍人四時訓練又選僧徒為降魔軍

國初內外寺院皆有守院僧徒常執勞役郡縣之居民

有恒產者多至千百每國家興師亦發內外諸寺隨院僧

徒分屬諸軍

神騎神步梗弓精弩石投大角鐵水剛弩跳盪射弓發火

凡十一班

高麗太祖統一三韓始置六衛之號上下相維統相屬庶幾乎唐府衛之制矣逮至肅宗東女真構釁於是銳意捍禦日事鍊兵遂置別武班自散官吏胥以至商賈賤隸緇流莫不隸焉是雖不合古制然亦用之一時而收效有足稱者毅明以後權臣執命兵柄下移悍將勁卒皆屬私家國有方張之寇而公無一依之師卒至蒼皇不振然後始多方調發或括京都無間貴賤或閱文武散職白丁雜色或簽四品以上家僮或以屋間多少為差國勢至此雖欲不危得乎國之大事在戎其制固空詳脩惜前史之不悉也

鄭麟趾
高麗史

脩

○高麗之設重房蓋為宰樞會議邊事之所而二軍六衛

諸大將軍皆會焉諸史或曰穆宗以後始置而未知的在何時毅明以來武臣用事重房之權益重忠宣王亦罷而旋復終麗之世不能廢焉

高宗三年宰樞重房奏勿論太祖苗裔及文科出身悉令充軍從之

彙

○高麗兵制大槩倣唐府兵之制太祖置六衛即左右衛

神虎衛興威衛金吾衛千牛衛監門衛衛有三十八領

各千人令民二十為兵給田六十而免還其田十一丁結

宗時加置鷹揚龍虎二衛為八衛八衛統於軍簿四十二

都府之兵十有二萬而隊有正伍有尉以至上將以相統

屬毅明以降權臣執命兵柄下移卒至國勢板蕩隨錄

脩

○諫官論府兵䟽曰竊惟我太祖設府兵令軍簿司典

身彩武藝脩完得與其選是以將得其人卒伍精強近年
以來八仕多門兵政一壞或拘於都目或出於請謁不問
老幼才否而授之於是襁褓幼子工商奴隸無尺寸之功
坐耗天祿一有緩急將何以用之甚非先王設兵之意也
願令精選勇略兼脩者充之常習武藝考覈其能否而黜
陟之

彙

高麗末不藉兵諸將各占為兵號曰牌記東閣雜記

○恭讓王省五軍為三軍都摠制府以我太祖為都摠
制使統中外諸軍事

○我太祖初罷都摠制府及重房會議之規置府兵名曰

義興三軍府

詳五衛都摠府

○定宗二年罷私兵屬三軍府收諸將牌記李居易題官八定宗朝

脩

權近請罷私兵狀曰惟我 太上王開國之初特置義興
三軍府專掌兵權議者以為軍命之初人心未定當脩不
虞宜令勲親各典私兵以應倉卒由是私兵未能盡除而
典兵者反謀煽亂幸賴 殿下靖難定社式至今日私兵
之議尚復如舊臺諫上章請罷 殿下以宗親勲臣可保

無他使復典之未幾蕭牆之禍發於至親由是觀之私兵
之置徒以生亂未見其益願自今以京外軍馬盡屬三軍
府以為公家之兵私門宿直悉皆禁斷朝路毋令私伴持
兵跟隨以應家不戢兵之義幸甚

東文選曰文獻脩考
曰台省上言云云

臺省又上章曰兵權不可散而無統亦不可偏而獨專散
而無統則其威分偏而獨專則其權移威分於人權移於
下其生亂一也臣等請罷私兵即蒙俞允然以重兵歸之

一府則有偏專權移之患古者兵法有發命發兵掌兵之
差發命者宰相也發兵者居中抵制也掌兵者受命而行
者也宰相非稟居命不得發命抵制非有宰相之命不得
發遣掌兵者非有抵制之命不得以行前朝舊制取法唐
宋省宰相掌邦治軍國之事無所不統即發命者也中樞掌
軍機即抵制發兵者也諸衛上大將軍已下專掌府兵以
當宿衛有變小則遣郎中郎將大則遣將軍以上出而應
敵此則掌兵者也忠烈王以後府兵漸毀始遣宰相領兵
應敵非古制也我朝開國置三軍府專掌軍務由是宰相
不得聞軍政中樞不得典軍機有車古法願自今罷中樞
以三軍府為祿官省宰相已上可兼者即兼節制其祿官則
依中樞例知三軍同知三軍簽書學士各一員皆以或文

或武善謀能斷者為之帶使司衛與議軍國之政凡有軍事使司承稟上命後三軍府以應宰相發命之法諸節制使除省宰兼外三軍各一為祿官雖曾經中樞位在知同知之上然只為一軍節制不許帶使銜直坐本府以治京外軍務諸衛上大將軍合屬三軍府諸節制使與上大將軍以下分番守衛以供掌兵之任有變則節制以下受命而行既有統屬而威不分亦難獨專而權不移可為子孫萬世之令典也

○太宗改三軍為五衛

文宗改置五衛

詳五衛都提府

○文宗初即位命儒臣撰東國兵鑑又置五衛親製陣法

九篇

分數形名結陣獨陣合陣連陣軍令章標大閱

教勇

怯勝敗之勢二十八變以教士卒常行操鍊而時親閱之

凡諸軍械亦令厘正自是中外軍務益加精銳

彙
○文宗朝以民多遊手軍額日減甲嚴度僧之禁狀誌

○世祖朝具致寬建議以為吾東方當三國鼎峙之時國各有十萬之兵我朝盡有其地而軍額半不及請盡刷漏戶隱丁編之東伍有司務欲增額一家十丁簽九為兵民不能堪韓明澮啓以兵欲務精不必務多請停之人皆快

之續文選海東雜錄

○成宗癸巳丙午改軍籍癸丑改湖嶺西南軍籍攷事撮要

○中宗己巳改軍籍

○明宗壬子設軍籍都監申寅頒軍籍攷事撮要

○明宗壬子改鎮管之法分軍移隸詳鎮管

○明宗二十二年軍士父母年七十則一子歸養九十則

諸子歸養著為令

○宣祖五年壬申議改軍籍搜補闕額癸酉改軍籍乙亥

頒軍籍

故事撮要

時軍籍方修而有司務完其籍不究虛實雖傭丐之人皆定實役民甚苦之郡邑或有上疏請覈實定役而有司一切報罷承政院乃啓曰當今民生卒荒無處不然軍籍本意不特為軍額多闕亦念虛簿無實族隣之苦塗炭赤子故刪虛填實欲救民生一分之弊耳癸丑之籍任事之官不体國家愛民本意只以幹辦為賢嚴急為能州縣承風虛張其數丐乞之人無不搜括鷄犬之名亦填其額成籍未幾大半逋欠侵隣剝族四境嗷嗷今若復從前習則名為軍籍實為民害請令八道監司察郡邑民物殘盛軍額

景

多少那移充定而或不能充則姑虛其額徐刷閑丁隨得
隨補不限年月庶可軍無虛簿民免塗炭矣議下兵曹竟
不得施軍籍既畢額依舊毒及隣族矣

石潭
日記

○宣廟出幸時見一小童初以為觀光之童更見之則乃
軍士也上惻然下教曰如此兒童心不欲離慈母之懷
干戈之任豈其所堪乎我見此兒心懷不寧夜不能寐予
以不敏叨居君位致有此事尤可恨也兵曹具黥閱軍士
如有年未滿者則皆可還送待年立役也我寧失數十之
兵不忍使兒童立役也兵曹乃募軍士自言其年使之下
歸軍卒雖有幼穉者恐還鄉之後被守令更定苦役願歸
者無幾

石潭
日記

○宣廟朝柳成龍為兵判時作八道軍案通京外諸邑之

額三十五萬餘

○宣祖甲午

二十七年

始置訓練都監又置東伍軍於各道

詳訓

鍊都監

柳成龍論東伍疏曰兵法千言萬語其喫緊唯在於東伍即分數是也故先儒云韓信多多益辦只是分數明子孫曰治衆如治寡我國為將者無一知其分數之法而每患軍卒之善潰夫東伍者衛統部部統旗旗統隊隊統伍之類是也蓋軍兵或十或萬以至於十萬百萬亦已多矣而大將以一人之身領之若分數既明則如目之隸網一網足以統萬目如枝之附根一根足以連萬枝故一司統五哨則所號令者只五人而已一哨統三旗一旗統三隊一隊統五伍故所統愈重則所分愈細所分愈細則所察愈

精在平時以此馭軍則將卒相維易於練習臨敵則以此
節制所謂合萬人為一心者今為將者無一人識得此意
凡所謂稍解操弓者名曰軍官聚在帳下僅脩應對使噉
之任至於軍卒皆各官臨時起送村野之氓畚耨替徃來本
不知戰陣之事又無隊伍旗哨所隸之處而猝然驅之於
矢石爭死之地求其戰戰勝敵豈不難乎東伍一事為軍
政之大綱而其在於紀效新書者極為明脩

四月又上劄曰食不足則人不可聚人不可聚則兵不可
鍊今國廩空竭雖欲鍊兵計無所出靜思默念近得一策
常時騎兵上番之數合二萬三千七百餘而各有一保則
共為三萬餘人步兵上番之數一萬六千二百餘而各有
一保則共三萬二千餘名總計十二萬二千此乃平時上

番騎步二色軍戶奉足之數也至如甲士之上番者四千六百四十而各有二保則一萬三千九百二十名定虜衛上番之數二千一百六十一各有奉足二人則六千四百餘名別侍衛上番之數一千一百十九而亦有奉足二人則亦合三千三百餘名而他邑軍不與焉此外有各司奴婢元數三萬七千餘名後以公賤役歇漸次增添其數不止於三萬七千矣此外有各司諸負合二千一百七十七名而各有奉足二人各司皂隸合三千六百二十八名而各有奉足一人又有掌樂院樂工七百樂生三百各有奉足二人其亦三千矣此乃平日各邑名數定額其間有流亡未充之處而大槩則如此矣今在兵亂之後想存者無幾然亦幾至十萬若除其上番各捧人一石米使為糧餉

則其數將至十萬餘石勿論年麥米豆充數納之因在京
城召募四方精勇之士勿論士族庶孽公私賤有無役只
取其勇力得一萬名分為五營營各二千人依法操鍊則
是京城之內常有一萬精兵而根本壯固居重禦輕之勢
得矣一萬名一年之糧乃四萬四千石所餘數萬石別儲
軍資為食兵之需不管於戶曹之經費則三年之後軍食
不可勝用矣一萬名之軍亦當分為二番每營恒留一千
其五千則別於京畿肥饒閒曠之地大脩農器畊牛種子
分屯作農如曹操許下屯田之法而使自食其半官取其
半則資食之路日廣而應募者相繼雲集矣

西厓集同
說不一竟未
行

○宣祖乙未

二十八年

選外方驍壯置武勇衛

李恒福疏曰宿衛之士一向孤單都監三手之兵僅能成

形而我國之所重者專恃武士故別取外方閒散武士名
曰武勇分為七番此輩齎糧往來其苦萬狀所當拔其尤
者量其除職以為興起之道且俟天兵盡撤以其餘儲之
給番料造冊計仕以開遷轉之路

武勇衛之名只見於一時而不知何時減罷

○仁祖二年甲子始置御營廳

詳御營廳

置提戎廳

詳提戎廳

四年改等南漢山城仍設守禦廳

詳守禦廳

○丁卯

五年

年間朝家大搜閒丁充補軍籍而餘丁屬之兵

曹歲收綿布其後汰定及落講餘丁自脩局移送兵曹者

數十餘人查正廳冒屬忠義二萬人分屬於禁衛軍保而

餘餘則盡歸餘丁此皆無役閒丁而守令不敢下手是率

事宜其中尤甚無理者丁卯餘丁中業工匠者稱以匠保凡

餘丁異於正軍老故無代定之事而此則以他匠人代定其數多至三千餘人兵曹之勾管工匠亦無意義謂空番罷餘丁歸之各邑俾令充補闕額上令廟望稟處

○六年戊辰改軍籍

攷事撮要

○十四年丙子尹煌疏曰外方東伍皆是農民而京砲送邊者甚少緩急決難得力若分為二番替守邊城則似是得策而朝廷每以宿衛為言此則不然邊城既罷之後則安用宿衛為哉果以宿衛為重則士大夫之子弟亦可以為之臣曾以為八子皆可以充脩云

左卷集

○十五年丁丑設七局出身分番直衛

○是歲設武科於南溪以酬扈駕守堞之勞赴舉者皆訓局施手御營軍京畿諸郡東伍軍之屬崔鳴吉在脩局啓

曰今此錄名幾至七千砲射通計則得中者將不下數千
是國家一朝而坐失數千精兵臣意都監御營軍則補為
別隊各以其技仍屬本處其餘亦別立名號如羽林兼司
僕之類定將統率分番侍衛而仕路則聽自便軍官等苦
役則勿許混侵但此時國儲方乏給料一事未可遽議此
輩全免赴防實為前所未有之恩典同是出身而勞逸不
均令該曹量定朔數自脩糧宿衛一巡後始依內三廳例
給糧立番為宜

遲川集

於是命設七局出身各持砲技分直禁中合為一千餘人
或補武勇廳 孝宗辛卯減其二局戊戌又減其一 顯
宗癸卯又減其一 肅宗朝柳赫然請以砲手叅萬科者
通差辛未每局定五十合為一百五十置別將三員以領

彙

之 局出身有闕則以武藝別監出身者十人交差

十九年辛巳清人徵兵以柳琳為上將詳內錄發五道御

營軍一千名火兵五百名八送瀋陽下三道則每十結五

十八員收布一疋江原道則每二十結收布一疋合收布

八百二十疋同海軍各給資裝綿布十二疋又以每七十疋

買馬一疋軍兵資裝之外各給復一結又給妻子奉足一

名使為回還間薪水之資脩局膳錄

二十一年癸未李時白為兵判為踐更卒結藁為筐使

寢其中自是卒無凍死者七菴集

孝宗八年設營將詳營將鎮管

顯廟甲辰大諫南九萬啓曰黃海道各邑戊午丁卯丙

子年戰死諸邑軍自兵曹至今徵布凡死於王事者宜蒙

彙

彙

旌表恤孤之典而非徒不然反徵役布於沙塲朽骨乃至四十七年之久而不除請永除其名於都案中依啓

藥泉集

○肅宗八年壬戌置禁衛營

詳禁衛營

○壬戌九月命蕩滌兵曹騎步兵兕弱逃故之徵布者先是兵曹以經費全靠於騎步兵收布故兕弱逃故率皆徵布侵徵隣族為民痼弊庚申初朝家欲為蕩滌慰悅之舉令各邑查出則其數甚多有難一時代定既查之後又不
可仍徵悉出京外留儲歸之本兵以充一年未收之數厥後國儲蕩竭不得每年充給以致侵徵如舊至是兵判南九萬與廟堂講定節目搜括京衛門及外方營門州縣歇役投屬之類統計所得軍保禁衛營九千六十名御營廳四千二百名守禦牙兵二百餘名搃戎牙兵九百餘名幾

盡充定關額九萬又請查汰冒屬忠義上遂令廟堂設

廳查正寶鑑

○十年甲子命咸鏡南北兩道精抄有膂力弓馬才者置親騎衛各三百六十俾為緩急之用其後增抄分隸於監兵營共為三千人

壬辰

三十八年

又置別武士於平安道視北路親騎衛例

黃海道別驍衛別馬隊改號為騎士

詳衛營廳

景
○二十一年乙亥知經筵朴恭尚曰六鎮校生異於他道皆其地儒品故絕無避役投屬之事且此輩皆充城丁軍城操時則戰服擺立雖非汰降便是軍丁其落講汰定者亦無納布立番之事而都事必欲降定故校額日縮聖廟將無守護之人聞閔西江邊校生皆有書鈞齋之名出入

番時例有試射之事故三次不通然後始為降定云請與
西邊一體定式 上從之 騰錄局

○乙亥右叅贊林相元䟽曰若欲解人怨而消天灾其上
者乃百姓之身役夫軍兵出布非國家之舊制惟我世
宗以東方聖人立經陳紀基茲無疆之祚者詳悉靡遺豈
不知以役徵財可以利國也誠以吾東地瘠民貧不善農
桑故也 世祖臨御乃行此法特一時之權宜非久遠之
良圖 累朝因循迄二百餘年其弊益滋為國家必亡之
徵為此者必曰出布所以蓄財蓄財所以治兵吾東自是
民兵而既竭其財復欲用其力所謂治兵適所以斂怨而
弱兵也 恬軒集

○四十二年丙申藥房提調閔鎮厚言丁軍外餘丁等名

色元無代定之事而湖南所在兵曹餘丁及匠人自前代
定已成謬例今後宜罷此規寶鑑上可之

○三十六年庚寅始置吏奴隊於各道先是朝議以諸道
束伍皆隸於營將列郡臨難無兵可守遂以吏奴團束為
伍而節目未具至是更飭諸道一遵成法又令以其中有
才藝者拔為將校其後與驛卒及三局保人并作隊

○英宗二十三年命設攔後士於關西兵營時帥臣李日
膺上請於安州營下及近邑之在百里內者選取驍健稍
別其號稱以攔後忠義士合為二千餘人都試優等者啓
差邊將又等四部筒墾為水田仍使四部壯軍休番農作
以補兵廩上并從之

○民十六為下丁十八為中丁二十為壯丁唐太宗時封
德彛請選中丁為兵太宗不許只選壯丁安史變起天下
大亂隨處簽軍不問老少而猶選中丁不及下丁故杜甫
以選中丁為嘆乃曰中丁絕短少何以守王城以此言之
雖當戰爭之時簽民之急猶不及於下丁也我朝簽丁之
法自十五八籍至六十乃除其視唐制不及遠矣 仁宗
嘗下教曰十五定軍壯年幾何六十除軍餘年幾何蓋將
欲二十而定軍五十而除軍而末及變通矣

藥泉集

○古者人生十六為中二十一為丁晉時以十六為丁故
范甯上疏曰禮十六為長殤以其未成人也今以十六為
全丁十三為半丁傷天理困百姓謂宜二十為全丁十六
為半丁今我國以十六為丁而闕軍充定有常額故守令

急於免責以乳下黃口冒年苟充其傷天理困民不亦甚

乎

芝峯
類說

○前朝時紅巾賊十四萬冰渡鴨綠江直擣松京前鋒與羽保偕至恭愍王避走安東合諸道二十萬兵僅得平定可見襄麗兵力猶勝於今日也在平時嶺南軍兵十餘萬而壬辰變初軍兵潰散無一人至者招檄累日只得數百步卒而已況今國力又非壬辰之比可謂寒心

芝峯
類說

○我國平時中外軍額十八萬零戶通計則無慮十五萬而自經倭變見存僅六萬雖年年設法充定而尚多未充至於京外哨軍不過數萬而元軍及公私賤并入編伍實數亦少緩急難恃極可寒心吾東方在三國鼎立時號為強國唐人謂高麗善守城必取未有必取未有如高麗者

景

也到今兵力單弱非但不能取於人亦不能自守何也唐太宗時高麗真以十五萬衆救高麗以瓜分之地軍

衆如此今三韓一統而每患無兵豈理也哉

芝峯類說

○自古有國者皆以厲民而養兵至於危亡我國則以逸民而困兵至於劣弱毋論古制只以今日南北三敵言之倭人督使農民悉歛其穀以養其兵而農民則只食土芋清人選入披甲則廩給豐厚九族賀慶此兵卒所以精強者也我國疲殘傭丐之類無以得免於軍役有萬般推剝之苦稍有氣力者巧避簷丁得終身逸遊之樂今不能一變舊制使民樂充軍伍則雖於前額減九而存一必無得精之理中外軍兵中唯訓局兵以廩厚之故稍勝御禁兩營兩役兵以上番給糧且免東伍烟役之故次於訓局

葉泉集

○養兵以養民為本不養民而能養兵者未之有也我國之兵不為預養而倉卒調用遇賊奔潰勢所必至雖使韓白為將亦無奈何士辰之事亦可鑑今內而訓練都監外而諸道到邑設砲殺束伍之制視往時軍容稍若可觀而民力已竭倒懸日甚既失休養生息之方恐無緩急效力之實任事者盍亦思其本乎

楚峯類說

○我國前後兵亂守令皆奔竄豈揭明經法死守勿去如有棄城者行法無貸但今之列邑殘少者居多而州郡之兵有警則悉數赴難且邑宰一動則更無管者責人以所必不能而又徒以戮之不幾於殺無罪乎當省并殘縣使有邑樣設置上副官其無城處亦待民力稍紓漸加修等畫為一定之規邑各有守複屯相望則形勢可以壯固正

兵雖皆從軍而保率倍之凡大小民人無非可共守者豈
患無人乎

礎溪
隨錄

○麗朝將帥各有家兵徃徃有跋扈犯上之變然以之平
蕩外寇則亦其力也夫佳兵不祥之器况可藏於家乎本
朝深創若是武將之在都下者不與兵權廩祿亦少或僅
有一僮一馬者涼薄甚矣是故軍無久領之將將無常隸
之卒鍊習不素名面不熟倉卒臨戰何以責其死力謂空
稍變其制而弛張之庶幾可矣

芝峯
類說

脩

○今京畿不別置兵使亦是古制漢時郡太守謂之郡將亦掌兵之任而三輔士卒則不屬郡守直屬於北軍蓋其事理如此矣

稽漢
隨錄

脩

○邦畿百里之內既有扈戎又有水原防禦南漢守禦江都留營水軍統禦各操兵柄不相統屬此等設置本以增守衛固根本也畿內諸鎮併於扈戎則號令專一體統不

察矣

澤堂
集

○我國之兵多兩南西北之賦兩南乃百濟新羅之遺也嶺之俗質木而沈力作而饒業教之則足以為向上之卒湖之俗敏疾而輕善偽而多變教之則足以為應用之卒西北之地與戎接即高句麗渤海之墟也古號健鬪來不介之馬徒裼而馳奮臂而號木弧楛矢發無遺鏃教之則

足以為莫當之卒故百濟教之以強其國高句麗教之以
抗中夏新羅教之以統三韓兵無常形習之則強苟無習
之不易世而同矣

衆村集

○咸鏡北道士馬精強甲於東方而自亂後生齒日耗土
兵凋損重以近歲癘疫死者迨且數萬比平時存者不滿
十分之一而且本道武士終身苦戍不得登仕於朝以故
不樂赴舉絕無控弦之人古語曰徵兵滿萬不如名募數
千土兵如此緩急何用

芝峯類說

○六鎮土兵殘寡蓋其兵戍然募之京中徵之他道若欲
其人耐邊上寒苦熟山川夷險習知蕃情馳突之技與之
相長則不得與土兵比比之本道內地兵亦不侔矣臣之
妄料以費於客兵食者月給土兵且規給一疋襖子戎械

之屬使人人感奮自力為敢死之士則足以一當百矣

簡易

集

○六鎮處我極北與彼只隔一衣帶水 祖宗朝推行五衛之制使六邑倅各為衛將以守其地常時則盡驅其民撤入城內造家安頓農節則亦依五衛之法自相統率出野耕作雖猝遇警急輒以此防禦蘇軾所稱河朔被邊諸州人戶帶弓而鉏佩劍而樵者也倭亂以後始用束伍之法而六鎮獨不變五衛之制矣金汝水為北兵使始請設營將而為府使僉萬戶者既失所領踽踽如客其民凜然皆懷不自保之憂今計須盡復舊制前衛受敵則左右兩衛救之左衛受敵則前後兩衛救之中衛受敵則前後左右四衛救之此則常山平然之蛇勢也兵使統率一營相

機進止則雖罷束伍之制此恐大有益於保邊制敵之要道也

息菴集

南前衛

昌寧

左衛

鏡城

中衛

茂山

右衛

明川

後衛

吉州

北前衛

會寧

左衛

鍾城

中衛

穩城

右衛

慶源

後衛

慶興

講武

太祖五年以海州講武塲汰饒可畊許民畊稼
十六年罷恭安講武塲許民畊墾

○太宗十年講武于豐海道

十三年講武于海州

十六年上與近臣極論遠狩之弊曰方今在下無姦猾
者若無識狂夫乘間竊散褶在不測可於歲內更定講武
常所

脩

遂命兵曹曰講武不可廢以國無苑囿近來不得已遠出
稽諸古典歷代講武之所皆在近地其於京畿定為三所

脩考作十五年

十七年講武于海龍山上曰家世業武幸賴太祖勸

學之力不習射御讀書登第田獵非予所好春秋講武國
家大事亦不可廢然簽民駟禽心所未安自今畿外講武
決不可復行任寶泰安海州之行悔之何及雖畿內之行
亦不欲調郡縣之軍只發防牌軍一二千足矣

海龍山在拖川縣西

二十里山上有鑑池禱雨有驗俗傳軍馬
躡踏山上不雨則陰出輿地勝覽

○世宗命纂陣說

詳經籍
兵家

丙午九月 世宗大閱于箭串平明動賀百官具甲冑扈

從 大駕入幄次兵曹啓曰放信砲 世子以下具甲冑

以次入就壇前分東西北向立五衛諸軍於前一日結陣

壇南有頃 上被金甲上壇 世子以下四拜訖正二品

以及六品代言陞壇上從二品以下百官於壇前分立吹

大角三通左右廂五衛吹角應之於是放砲鼓譟或變陣

挑戰為勝敗之形凡五變陣而罷軍數則六千六百餘名

也

東閣雜記

○世宗謂柳廷顯曰春秋講武政府六曹扈從慮恐廢事欲令政府兵曹扈從餘悉減之廷顯曰人主舉動不可容易且大駕在外臣子豈宜晏然在家上曰卿之此言意有在也雖令大臣扈從若狂悖之君不聽大臣之言盤遊無度何以止之廷顯曰殿下不與大臣俱行脫有意外之變何以處之

○世宗丙辰教曰古有四時之田以講武除害此先王之定制軍國之重事祖宗參酌古制定為春秋講武之法近來新進儒生以謂國君逸豫之舉每請停行大臣亦或請停予以祖宗成法不可廢而不從矣曩歲予適病不

脩

得親行欲命將代行大臣議以兵權授之將臣不安於義故寢之今年凶荒太甚予恐懼姑停秋等講武而明春講武亦欲停之以休民力頃者兵曹請曰大事不可再廢予亦以為凶荒之歲益修武備非常之道也故姑從其請諸事欲務從簡約然國君一動其弊必多矣世子職在撫軍欲令世子代行如此則不廢重事而供費必減庶乎兩全擬議以啓頒議政黃喜等啓曰兵權不可授之世子且今年凶歉請停之從之

東閣雜記

○鐵原古東州之野號補獸藪世宗屢臨講獵獲獸無

數由是文昭殿朔望祭歲惟鐵原平康供馬而有餘今東

州之野太半畊種禽獸鮮少兩邑官吏僅免罪罰

痛齋叢話

○文宗作五衛陣法教士卒而時親閱之

詳兵制

脩

○世宗御製兵將說訓勸諸將又以昇平日久則武脩必弛月再閱陣春秋講武常曰兵陣家業也不可不知以黃石公等書親授 世子

○成宗己酉

年二十

大閱

攷事
撮要

○燕山

○趙憲疏曰如欲詰甬戎兵無壞我 祖宗成法則以東

國兵鑑五衛陣法等書印頒于將士各使其將習兵鑑軍

曉陣法而乃加鍊試自內及外無不張皇整頓則庶乎宜

免野人可為干城而赳赳之詩不獨詠於周南矣

重
集
峯

脩

○宣祖甲午以戚繼光陣法教習訓局兵 上親臨閱武

于慕華館又遣教士于各道鍊習三手技法分命御史試

閱

丙申定鍊兵規式頒行四道

○仁祖七年親臨設操後仍行觀武才

○孝宗五年親閱于露梁御營軍新舊遞番者皆令赴操特賜甲冑弓矢於將臣李浣以示獎勵之意

○顯宗三年親臨閱武

○肅宗己未親臨閱武於露梁

壬申行親閱

乙未命各軍門習操若值大將有故則以都提調替行

○英宗十年親臨閱武於露梁

十九年謁陵回駕臨七籍田觀六花陣

○五衛與五營古今不同以五衛之制用於五營有因循掣肘者故英宗已巳二十年命諸將臣纂續兵將圖說定為五營親閱之儀以兵曹判書為親閱時大中軍

卷之六
 詩
 一
 二
 三
 四
 五
 六
 七
 八
 九
 十
 十一
 十二
 十三
 十四
 十五
 十六
 十七
 十八
 十九
 二十
 二十一
 二十二
 二十三
 二十四
 二十五
 二十六
 二十七
 二十八
 二十九
 三十
 三十一
 三十二
 三十三
 三十四
 三十五
 三十六
 三十七
 三十八
 三十九
 四十
 四十一
 四十二
 四十三
 四十四
 四十五
 四十六
 四十七
 四十八
 四十九
 五十
 五十一
 五十二
 五十三
 五十四
 五十五
 五十六
 五十七
 五十八
 五十九
 六十
 六十一
 六十二
 六十三
 六十四
 六十五
 六十六
 六十七
 六十八
 六十九
 七十
 七十一
 七十二
 七十三
 七十四
 七十五
 七十六
 七十七
 七十八
 七十九
 八十
 八十一
 八十二
 八十三
 八十四
 八十五
 八十六
 八十七
 八十八
 八十九
 九十
 九十一
 九十二
 九十三
 九十四
 九十五
 九十六
 九十七
 九十八
 九十九
 一百

軍賞罰

○文宗陣法軍令條曰令左右進退而不從者以章標者漏軍事失形名者與敵私通者無故驚軍者將吏容私者失斥候烟烽更號者并斬降敵者沒其家以伍而得伍以將而得將各當功過相當兵器不利者罰告有罪者賞

○宣祖癸巳柳成龍上言軍功爵賞及免賤等事皆為畫一之規以應古人賞不踰時之義又軍民捕獲者勿論多少即予其人愚民知一身之利在於殺賊爭起奮力則敵勢少衰也 上納之

○我國無銀錢寶貝天下之貧國也夫軍賞不踰時而將帥出征空手而往戰馘之賞無以應之不過列名上請朝廷而所謂論賞者只是加設職禁軍免賤限年免役復戶而已

噫官爵有限實非可繼免賤滋多正軍日縮况一張先身未
免虛套以致羣情懈怠而激勸無方殊非細慮古人曰重
賞之下必有死士今乃欲以功名為重賞以虛惠得死士
不亦難乎送峯類說

○壬辰倭變 乘輿西行國內空虛賊兵充斥號令不行
幾於無國者逾月矣嶺南郭再祐金沔湖南金千鎰高敬
命湖西趙憲等倡義起兵傳檄遠近自是民始有向國之
心州郡士子在在召募以義將稱號者無慮百數以至剽
除倭賊恢復國家乃義兵之力也及事定之後悉以軍功
作為隊伍或分防海陳或上番京師其愁苦極矣至如納
粟之類亦皆不免非但罔民失信他日有事必不得力謀
國者宜有以善處焉全上

○仁祖丙子亂後搜捕各道潰散軍千把搃以下論囚旗隊以上限朔立撥束伍軍納錦布三十疋相臣崔鳴吉上言徵布必有徵族之苦 上命蠲徵布調赴築城之役

○仁祖乙酉_{二十三年}出太僕木花一千五百斤去核送于北邊分給戍卒之屯甚于寒者

○李汝發為御營大將軍中施賞甚薄人或以太慳為言汝發笑曰無事厚賞則臨亂何以激勸見公私聞

712

戎裝軍器

彙 我國本無火藥高麗末有唐商李元舡到開城禮成江寄
寓於軍器監崔茂宣奴家茂宣令其奴厚遇之元教以煮
焰硝法我國有火藥自茂宣始於是倭犯珍島鄭地舡載
火砲攻之賊大敗而去地自言平生遇賊多矣未有如今
日之快

西厓集

茂宣永州人性通敏且曉華語學焰硝煎法始置火桶與
沈德符擊倭燒倭舡三十餘艘封永城君入我朝官至叅
贊門下府事

海東雜錄

彙 ○成宗朝徐居正為慶尚道忠清道軍容巡察使時兵曹
請刊銃筒鑄成放砲式令巡察使頒給沿海各官常行肄
習居正以為不可啓曰火藥出於倭地我境與彼密通况

三浦之倭與國人雜處或恐奸細之民潛通流入彼土非
我國家之深計也 上曰當初不復深惟其弊此言其當

東閣
雜記

脩 燕山創置脩戎司掌造鐵甲後革罷

議政府啓曰我國三面受敵其用武之地今見軍士率多
紙皮為甲是焉能衛身而禦敵乞別設一局做鐵甲和賣
如瓦署帟厚署例 教曰可於是設局名曰脩戎領相韓
致亨兵判李季令為提調辟前銜朝官有幹局者四員為
別坐不多月而甲之成抵若干部

洪貴
達記

○太宗以凡有警急不可無號令設為吹角聚軍之法而

今未具 世宗即位始定吹角令行之

吹角令詳在文獻
脩考兵考法令余

食 飛擊震天雷我國古無其製火砲匠李長孫依樣造成取

震天雷以大碗砲口發之能飛至五六百步墮地良久火自內發最好陷陣矣火砲不知始於何時其利倍於弓矢而其聲威之壯摧擊之功致遠之力皆非弓矢所可比擬蓋世變逾下戰爭逾多人心之巧機智之運為無窮是故丘瓊山大學衍義補以為天祚國家錫以自古所無之兵器是瓊山以火砲之用出於大明也然以史書觀之則火砲出於前代已久而盛於蒙古宋史載元八攻汴京有所謂損竹砲震天雷等具是非火砲而何哉戚繼光紀效新書亦以鳥銃為神器有六合砲用以摧破牆壁舟楫而未詳其製造之法又有子母砲之制此則與我國所用震天雷相類而於戰用尤便利誠為制勝之良具此制不可不講軍器寺元有天地玄黃字大砲又以次漸殺至盈是字

西厓集

小砲又有金墀所製勝字大中小三樣銃又有震天雷等
等砲而亂時散失殆盡自天兵攻破平壤倭賊以火砲攻
城其類有大將軍佛狼機霹靂砲子母砲火箭百銃皆其
利器而鳥銃則得於倭陣者為多今則各軍門依樣鑄造

○鳥銃出於西域用以捕雀而倭奴學得其制於呂宋之
國壬辰之變始為兵器我國人驟見而遇之輒死莫不駭
散倭奴雖慣戰輕進其取勝實在於此芝峯類說

○宣祖癸未命收取下三道寺利鍾鑄銃筒曰佛氏木慈
悲施捨不惜頭目以救人命況今國家艱虞邊民塗炭其

捐鍾禦敵固佛氏之所願聞

癸甲日錄

○宣祖朝有火砲匠池壽慶源陷城時被虜胡中胡人使

習放而觀之壽故令觀者聚於一邊以砲中殺之胡人怒而支解芝峯類說

僉

○我國之人素號善射而前世倭但以長槍短刀來寇我以弓矢制之於數十步之外而有餘至於守城尤稱我國所長者亦以此也及壬辰之變內外靡然旬月之間都城失守八方瓦解雖出於昇平百年民不知兵而然實由於倭奴有鳥銃之利能及於數百步之外中必洞貫來如風雹而弓矢莫能與之相較故耳西厓集

脩

○甲午新設訓局欲鳥銃而無火藥有軍器寺匠人大豐孫者以煮火藥與賊罪當死特貸之令煮煇燭燭豐孫感懼盡力一日所煮幾至十斤

彙

○國初軍器寺只有火藥六斤後逐年加脩壬辰變前有

火藥二萬七千斤倭賊入城城中之民先焚軍器寺癸巳

還都稍稍措脩有一萬餘斤蔚山之役取用幾盡

西厓集

○壬辰之亂湖南召募使邊以中始製火車三百兩分與
巡察使權慄以助幸州之捷其制一車開四十穴容勝字
銃四十令連心發火相繼不絕聲振山岳倭大驚遁去云

○肅宗己未命造火車百乘

○孝宗朝以軍服寬將不合袷突改為狹袖之制

○孝宗在瀋中慣見射法遂改角環之制用無舌者或諸
將曰予視祖大壽常著環於母指環肉相合無痕仍令書
夜常著無敢解去 肅宗六年金錫胄柳赫然等以為今
懸數重甲射之則有舌者能洞貫無舌者不能請改之

上曰 先朝所命事宜詳慎只命勿禁具有舌可矣

彙

○徐必遠之判兵曹也引詩交韉二弓之義使將士皆佩

二弓

晦隱集

○肅宗乙酉守禦使閔鎮厚新設焰焰廳陳稟取用慶德

宮空闕賦士乃前例也

脩局
膳錄

倭驛洪喜男已亥問慰之行學煮硫黃之法傳布國中

通文

館志

元斗杓提舉訓局語倭譯金謹行曰儲黃垂之操鍊將廢

若能優得朝廷當不惜封爵之賞謹行力勸數年得五萬

斤

通文
館志

本國煮硝素無善方用功多而所得少金指南壬申隨閔

就道赴燕購求其方試之所得倍蓰品又精猛南九萬啓

令武庫按方煮取仍令指南撰次成書名曰新傳煮硝方

通文
館志

補我國煑硝之法自完豐始取路上土代用品又不精金
指南購來之後功效大著遂成新傳煑硝方一書 正廟
朝曰右議政尹著東之言又修明之重刊其書

○英宗庚午_{二十六年}禁軍兵戰笠之用髮者以毛笠毳而厚
故九鏃不能透髮笠堅而薄故輒易透也

○我國各營邑武庫所儲軍箭一經潦暑輒患鏃癢而羽
墮每歲秋調發東伍磨鏃改羽大為民弊李匡德為金羅
監司油炒箭鏃着於箭羽之間自此其弊遂絕八路通

行
述翼

良役 戶布

高麗末有戶布之征

脩

○太宗曰戶布之歛何歟戶曹判書李膺曰脩軍需也

上曰雖為軍需無故取民非法也周禮宅不毛者有里布

是勸農桑之意也若是則取之有道民亦不怨命罷之

宣鑑歷代提目

○瑞蔥臺布

見燕山故事

脩

○我國放軍收布之規未知起於何時當初必以為平安

無事多數立番無益於事除其番使歸農業收其價以補

軍需公私兩便也今京外衙門無不放番收布故名為軍

士則便作納布之人習俗已久軍士之名仍成納布之名

補曰步兵則人知為綿布而不知本是軍士之名以至餘

丁各邑無不皆然

稽溪隨錄

一、

二、

三、

四、

五、

六、

七、

八、

九、

十、

十一、

十二、

十三、

○肅宗七年辛酉兵判閔維重奏曰軍布五升三十五尺
乃是 祖宗舊制故 仁祖癸亥後常行此法而未久停
罷丁亥年間復行而復罷今若一遵舊制而行之則一國
生民必將歡欣鼓舞為先定行五升三十五尺之法而國
家需用亦宜因此料理變通也吏判金錫胄曰取考大典
前續錄戶典既以公私所用綿布升數五升長三十五尺
廣七寸以上定式而後續錄兵典又有步兵番價每一朔
五升錦布三疋半之文而即今所捧則一朔只是三疋無
加捧半疋之事三十五尺之半當為十七尺五寸以其半
疋分而為三則合為五尺八寸三分也是步兵番價云者
乃指一戶而言則一戶三人自當各納一疋其半疋則三
人又當各納五尺八寸三分故以其五尺八寸三分連織

於三十五尺之布則又合為四十尺矣今若以三十五尺為準則此是國典所載及今變通固為合當而至於步兵番價三疋半之制亦是國典所載則事不可舉一而廢一即今番制以兩朔為一當番故步兵亦皆并納兩朔之布矣升尺之事如不變通則已如欲變通則不可不均齊為之上曰一從舊制嚴飭施行

彙

○三十七年辛卯七月引見大臣脩局諸臣論良役變通之策頌相徐宗泰等諸臣皆以戶布為第一其言蓋以為口錢則繁密難行戶布則最為正當獨禮判趙泰耆曰戶布不可行臣意則督責守令使之搜括良丁充定闕額作為令甲如糴穀虛錄之制則似有益矣右戶朴權曰戶布即唐祖庸調中調役也今若設為九等之制貧富所納適中

會

則民役可均國用可支副學柳鳳輝曰勿論某名良丁收布者每名各收一疋名曰良人布使一司主管如宣惠廳而各衙門各營鎮一年需用之數磨鍊支用則只收一疋亦無不足慮八道良丁總數及一年需用多少先令抄筭為宜上命三件中更加商確稟處

寶鑑

辛卯判府事趙相愚劄曰戶布丁布口錢法甚均一可救當世之弊而第念帝王經國之道必因勢而利導緣法而為治民易趨令行之無弊大抵我國規模名分為重徵布納錢只及於平民不及於士族因循不變今已累百年今若泛論其弊則實為偏重而不均徐究其實則上下之尚能維持紀綱之猶不甚亂者未必不由於士族之無此役也願今繩樞甕牖朝徙暮遷者非無剥膚之怨戴額之心

鬱仁思亂終亦不敢動特以其所謂兩班參錯其間故有
所畏忌而然也況人心世道莫可收拾而乃反不量時勢
猝創新法或布或錢渾徵於曾前無役之士族則少將魚駭
鳥散所在鼎沸有識之士猶可體國而間有強梗不平之
徒註誤百姓煽動一方則將無善後之策由是觀之其得
失利害果如何哉為今之計莫若申明舊制厘正雜役廣
搜良丁之為愈也

均役

初肅宗癸未領相申琬啓曰良役軍制變通事迄今遷就啓下堂卽斯速舉行似好矣上曰以厘正廳爲名可也○英宗己巳忠清監司洪啓禧求對盛言良役之弊命赴任所詳察民情狀聞論請庚午三月啓禧狀聞請行結布以湖西結布議作丹子以進五月戶判朴文秀請行戶錢上親臨弘化門俯詢士民曰爲今民弊莫若良役自昔說救弊者戶布也結布也游布也口錢也口錢零瑣游布亦難便此則決不可行也今問者戶布結布與此外好樣救弊之道也其各面陳士庶軍兵多言戶錢便其言結布便者十居二三上命諸臣直宿備局磨鍊戶錢議者始言戶收四五十文可以當良役所納之數及其詳計則大戶

收二三兩小戶收六七十文猶不足矣七月上又臨門
俯詢百官士民特寢其命

上引接備局諸宰六曹三司諸臣特命良役永減一疋垂
涕諭羣臣曰戶結雖不可行減布不可不為卿等區劃給
代之策以來否者毋見予也領相趙顯命左相金若魯石
相鄭羽良請設廳名以均役三公勾管以申晚金尚魯金
尚星趙榮國洪啓禧差堂上齊會講確

○講究給代事件儲置米一萬三千石依下教移劃

○罷諸道監司眷卒而減其營需以守禦使兼南漢留守
出居廣州惣戎使兼京畿兵使設營蕩春始而減其軍米
歸之給代之需尋皆革罷就京外衙門之應給代者量減其
數或減其額以作餘保兵曹騎步兵之舊作八番每十六

朔一納二疋者改作六番每十二朔一納一疋諸道水軍
不得盡數給代則每一人給四斗米

講究米錢布出錢凡五條 移劃 漁鹽船稅 隱餘結

軍官布

并詳下

分定

諸道監兵營各錢錢兩布錢疋使之輸
納又令各邑以其某樣所收充給水軍

糧米者也節目時
分定一條革罷

嶺南水軍最多因道臣閱百祥狀聞罷不緊七鎮以紓各

邑之力

○辛未五月領相金在魯疏言各處分定不可不革罷漁

鹽軍官不可不厘正又違奏言變法及有無限弊端不如

還存舊法也 上曰國雖亡決不可失信於百萬軍民左

相趙顯命進均役或問丹子請變通兩軍門減鎮堡罷營

將并州縣行會錄法諸議多以紛紜變更難之兵判洪啓

禧疏陳通變事宜請於六道田結每一結收五十文以立根基隱餘結漁鹽稅遞武軍官略加整頓而分定諸條一併罷之 命廟堂稟處

均役廳堂卽草成結米節目登進稟裁逐條刪正九月節目始成

節目良布減半惣爲五十餘萬疋而以錢則百餘萬兩內而各衙門外而各營鎮需用之省減者爲五十餘萬兩而軍需經費之不可不給代者尚爲四十餘萬兩

移劃條卽儲置米稅作綿布帛賑耗軍餉耗等劃給者漁鹽船稅條我國三面濱海而漁鹽之利盡歸於私門故肅廟朝欲別設一司專管收拾而未果至是分遣朴文秀金尚迪李瑬等於嶺南閩東海西畿內湖西湖南諸道審

規定稅尚迪在海西病卒黃晟承命察海西數邑及畿內而關西關北則使道臣行之仍命盡罷諸官家各衙門折受漁箭及所屬船隻使之一體徵稅

海稅各道大小船隻各道鹽盆霍田沿海箭漁漁條漁塲漁基江箭并分等收稅

慶尚道稅錢二萬七千四百兩零全羅道稅錢四萬二千九百兩零忠清道稅錢一萬一千六百兩零京畿稅錢六千一百兩零黃海道稅錢一萬五百兩零平安道稅錢五千兩零咸鏡道稅錢五千五百兩零江原道稅錢五千三百兩零逐年加減

隱餘結條各邑起耕之田冒稱陳災而見漏於公賦之納者多歸於身令私用故使之從實自首關北外七道報來

者摠為二萬餘結自庚午條為始輸納本廳

京畿水田三百八十八結旱田五百九十一結米四百石

大豆一百三十石忠清道水田五百九十一結旱田九百五十

六結米一千三百二十五石江原道水田一百六十八

結旱田六百四十二結米七百三十八石黃海道水

田九百七結旱田三千八百十結米四千八百六十三石

全羅道水田三百九十九結旱田五百九十四結米九

百一石大豆一百五十八石慶尚道水田一千九百四十九結旱田

四千五百十二結米五千六百八十九石平安道水田

二千五百六十五結旱田四千四百五十一結米二千五百

十九石大豆四十九石

選武軍官布良民之家計稍裕者巧避軍役閑遊已久到

今定役必致騷擾故作爲選武軍官使各其道設都試居
首者賜第其次一人直赴會試其次五人充當年布其餘
徵布一疋

京畿一千八百九十人忠清道四千十人江原道二千
十五人黃海道三千五百三十人全羅道六千十五人
慶尚道七千四十人樞二萬四千五百人

百七十
三匹

已丑秋實
二萬一千六

結錢條始定結米每一結收米二斗或錢五十文後以米
條收棒及上納時有弊一併以錢收棒

京畿三萬六百二兩忠清道六萬九千五十八兩江原
道九千七百十四兩黃海道三萬九千一百八十七兩

全羅道十一萬一千一百四十兩慶尚道十一萬二千三百四十四兩

總錢三十七萬二千四十五兩

總數中八萬四百十六兩外方給代實上納二十九萬一千六百二十九兩即己丑收捧之數

會錄條平安監營綿布千五百匹會錄而別餉二萬匹外磨鍊兵營綿布千匹會錄而戊辰定式別備外磨鍊黃海監營綿布千疋兵營綿布五百匹忠清監營祖七百石全羅監營祖五百石慶尚監營祖四千石三局納米五百石合綿布四千疋祖五千二百石逐年會錄

軍作米十萬石內京畿二千石湖西二萬石嶺南五萬石湖南二萬八千石湖南檢營米五千八百五十石七斗折半糴糶取耗年終報本廳設有給代不足取來補用之事

元數則勿為杞用年年糴糶取耗之數與元數相當則報本廳隨便散賣以錢會錄

補舊制良役奴貢以綿布二疋為率自肅廟朝屢下減疋之教而朝議多歧未克定制至英廟辛未減一疋印頒事目癸酉更頒追事目於是乎均役為金石之典而減疋之後不可不給其代設廳勾管命大臣備堂直宿講廟其制一曰結米西北兩道外每結收米二斗旋以納米為民弊以錢代納而如官房衙門之免稅處亦勿許免惟鄉校墓址免稅二曰餘結時起田搖漏於收租者俗稱隱結餘結於是乎并令屬之均廳免其稅三曰遞武軍官非士族非先蔭而不合於軍保者假以軍官之稱年十五至六十以下人充丁收布四曰移劃米惠廳儲置米之在三南者

及三南營需及月令米三南及關東稅作木屬之廳五曰
減革兵曹三營及各衙門保人三南海西營閫保人并以
量減六曰會錄米木兩西三南營閫京司勾管軍作米屬
之本廳七曰海西山澤之利盡歸私門皆入於官房營門
折受之中 肅廟朝別設一司勾管一國魚鹽節目既成
而朱果行至是罷諸官房營門魚鹽分遣使臣各定稅額
皆屬本廳船隻鹽金皆有一定之稅八曰給代以右七條
所捧稅者給官房營門半減之代此其大略也

日得錄

盜賊

辛禍時禾尺等詐稱倭賊相聚為盜焚掠公廨趙浚上書
云禾尺之徒不事畊種坐食民租相聚山谷無恒產無恒
心其勢可畏自今課其生口授以曠地與平民同其里違
者罪之禾尺一號揚水尺

海東雜錄



御宴

○睿宗己丑七月賜承政院酒連三日朔日又賜詩及酒
詩曰三日雖既困莫辭予所錫此意非他心永圖求盤石
在堂者皆和進

佐畢集朝野記聞

成宗

○中宗庚子三月 上御慶會樓下觀習武藝令入侍宗
宰侍臣製律詩使領左相科次論賞畢 上入內使宗宰
等周覽後苑賞花中官先導賜官醢皆沈醉而出翌日進
箋謝恩

○明宗己酉正月賜宴 上即位以後經筵官等于闕庭

賜一等酒樂或加資或賜物有差又各給蠟燭一枝令夜分泛容而罷凡六十一人而預宴者四十九人翌日李邕等上箋謝 大殿及 慈殿 東閣雜錄

文定王后

○

●明廟丁巳秋 上御勤政殿行會百官宴仍御題秋日

宴群臣君臣同德詩七言律命與宴者皆限日製進時左相尹漑以故不奏後因講筵以爲人主令百官製詩近於浮華都承旨鄭惟吉呈引韓魏公二十年來得再拜之句以辨是亦故事時或不妨云 侯鯖瑣語

○己未之後 明廟頻於內苑會宴近臣命題製詩閱武亭文臣侍從者製詩武臣貂蟬者射的副提學李彥忠詩

云星流鵲面粉飄風御筆批點而下當時諸作命各自寫綃紬入內鄭惟吉

備

○宣祖三十九年世子以四十年昇平與大臣諸宰同辭請進宴凡再啓始許不用樂不設內宴

備

○仁祖二年進豐呈于仁穆大妃禮曹啓豐呈時外命婦入泰節次議大臣左相尹昉右相申欽議曰豐呈之禮五禮儀無可考曾聞先王朝大殿行禮後中殿率內外命婦行禮大殿行禮時則命婦出避公翁主王子君夫人則或以家人禮侍泰宴禮而外宰夫人則只當於中殿行禮時入泰大殿行禮時無可據中國之制命婦朝參之禮時有之而侍宴君父無其禮

備

○肅宗乙酉春世子以國家三十年昇平三上疏請稱

慶進宴大臣諸宰亦力請 上許之既而有虹寢春雪之
異停之至秋大風為災又停至丙戌始行時朝議因進爵
呈才獻公桃有外宴用女樂之議兵曹叅判金鎮圭禮曹
判書閔鎮厚以為樂學軌範雖有外宴用女樂之文然自
世宗朝以後凡宴會不用女樂故五禮儀內宴有女伶外
宴無之以娼妓雜戲陳於侍宴非放鄭鮮之義於是 上
命去女樂用舞童永為定式

丙戌九月李潛疏曰臣聞去歲秋金鎮圭疏論進宴之
非凶歲進宴誠有如其言者似出於公心而一時輿論
不以為是者豈無以哉一自辛巳之後凶徒藉口浮言
胥動 春官之所恃而安者惟 聖明之一心而已臣
民憂愛之誠豈無不至之於補慶之日仍行上壽之舉者

揆諸人情既不甚害義而君臣父子慶會一堂怡怡融融和氣可想則臣民之望其王成者豈徒爾哉動一國之民力罄三營之軍儲只改數十步不毀之城而鎮圭以其私黨之所謀為曾不以凶年年之費而爭之獨於春宮之進宴必春澤之叔鎮圭者賁勇務勝不顧分義果可謂之公論乎

朝野記聞

肅宗丁巳九月傳曰古人曰不以天下儉其親人子為親之情上下無間大喪終制之後為兩慈殿即為進豐呈情禮之所不可已府院君喪三年後慈殿氣使亦得安寧其在情理喜幸如何亦於此時設宴慰悅而今年農事不幸凶歉國計民憂俱極可慮豐呈則勢難設行今欲盡去浮費從略設宴小伸至情此意分付該曹以十一月

內擇日

禮曹佐郎朴泰輔疏略敢因職事所及冒陳瞽言冀停饑歲進宴之舉

大憲尹鐫疏今年大侵無減於庚辛之歲朴泰輔所謂不時之舉獨樂之者殆亦非過論請先散政施仁布大惠於民俾知王子同樂之義然後可以行此而無憾

答曰 兩慈聖連有下教當此年事凶歉賑救不暇之日設此盛禮於心不安不如停止之為愈為教終難強請心甚悶鬱卿之疏語誠為切實今姑停止述而

郊禘人計所不若等差而後曰又子集會

優老

備

○世宗十四年壬子八月 上親行養老宴于勤政殿二

品以上於殿內四品以上於月埵五品以下至庶人於殿
庭賜坐老人升殿之時 上起立於座翌日 中殿宴老

婦等於思政殿

東閣雜記

○中樞院使李貞幹

諡靖孝

年至七十母金氏年踰九秩

世宗特賜酒樂以慰之

東閣雜記

貞幹以嘉善都觀察使致仕家居奉母盡孝壽宴請滿朝
搢紳多夫人親黨。上嘉之命陞資憲拜中樞院使降璽書
賜几杖酒樂几杖非經貧不得而獨以孝行得之後加封
貞大夫人之號金夫人壽百有二卒或問能壽由答曰平
生不向日月便旋

侯鯖頊語

○世宗癸亥二十五年通付使下使文有老母及其還賜宴其
母于家以寵之朝野記聞

備

○世宗乙卯十七年教曰敬老之禮尚矣古之帝王或親臨

宴衍或復子若孫皆所以示尊敬之義也今予在位凡尊
年尚齒之禮悉遵古制獨賜爵之典未舉予心慊焉可授
年九十以上者爵命以示老之仁老人百歲以上者歲
首賜月致酒肉八十以上者賜爵每仲秋賜宴在州郡者
則守令餉之定為定法

○成宗朝校理李承健有病特賜內醫以藥物兄承寧奉
命當往楊州承健上書恳請以慰安母心特允勿遣仍定

備

女醫常診審調護

朝野記聞

○養老宴五禮儀曰仲秋擇吉付國大典曰季秋行大小

員人八十以上者赴宴群老去杖拜一坐再至有教除禮
則不拜陞殿殿下為之興王妃宴于內殿外則守令
設內外廳行宴

附國法八十之老男女皆賜宴以覃恩每歲季秋王燕八
十之老人妃燕八十之老婦此見於董越朝鮮賦

○中宗朝柳詢李孫與諸老之少時同遊南庠者結為九
老會安琛年未及七十用司馬光故事邀與同會容齋集

○中宗朝全羅道長水縣馬推良妻趙氏年百二十二歲
齒落還生大如米粒額上黑髮復生長寸許耳全無聞目
僅察物而時或不辨四十三歲生子名行坤時年八十扶
杖而行監司上其事上曰上古堯舜之年亦不至此我
國尤所未聞也命本道給衣食

○中宗七年行養老宴于闕庭

○宣祖以洪相暹盧相守慎俱享高年優賜米豆

東閣雜記

○洪彥弼妻乃宋軼之女軼與彥弼反子暹皆為首相夫人享年踰九袞暹八十持服終制夫人之壽福古未有也沈舟慶於暹賜几杖宴席作賀詩曰三從不出相門闌此車於今始見之更柱省中靈壽杖却被堂上老萊衣

○宣廟三十五年政院啓曰前叅議李遷

新平人有老母

今年九十九

聖人之治當有老老之典

上厚賜之明

年正月

上曰李遷之母今年百歲自今歲首賜餘廩有常

加爵其子以賞之進嘉善階京城為之謠曰母以子貴子以母貴熙熙壽母公伯其子時之卿大夫有母承養者十

家晉興君

姜紳

錦溪君

尹判書

職

韓叅判

後謙

洪中樞 履祥

南叅判

李中樞

晉昌君 姜綱

驪興君

尹叅知

權少正

姜翊衛

李中部

為十三人明年四月大合宴上壽名曰慶壽宴 眉安記言

李遷母蔡氏

甲以燕山子生

壽踰百齡

上奇之命起遷資嘉善

遷時年七十三有兩姊年俱八十餘末子遷年六十六人

間希有也

東閣雜記

○仁祖庚午十月左叅贊洪瑞鳳刑判張維戶判金起宗

戶叅安應亨及堂上朝官十八人連名呈單于禮曹曰昔

在世宗朝觀察使李貞幹設盛宴獻壽母夫人事聞有

賜問之典其後故西平府院君韓浚謙叅判尹暉晉興君

姜紳同知洪履祥諸人作壽親襖設席一堂 宣祖特賜

樂以張其勝事至今在人耳目以為美談瑞鳳等亦有便

母皆過稀齡作為一楔將於今月十五日略備酒肴壽寧
內外子孫咸集非狹窄私家所可容暫借古兵曹欲行一
日之禮而係是公廨不得不申稟且行宴禮於公廨則用
樂一節亦難擅便云云禮曹以此意啓達俞依願許借賜
一等樂

癸川日記

備

上命十八人姓名使之書啓教曰敬老尊賢治國之本古
昔帝王或親臨宴慰或賜爵賜帛此皆尊尚之義今予涼
德兵火饑饉殆無虛歲言念耆老不覺慚惕目今經費板
蕩宴慰之舉固不可輕議賜爵之典行之實當令該曹授
老人爵年老寡婦亦俞賜物

備

洪瑞鳳等壽宴時上賜靈縣子二斤且教曰卿等皆有
老親備盡榮養予心感焉

備

○孝宗朝都下有百餘歲庶人使掖庭人負而致之殿上餽之以珍羞節產之物餉亦不絕

○顯宗戊申

李景奭年七十四

命賜几杖設耆老

宴于第賜一等樂內外宣醢

國嶠集

○顯宗甲寅領相金壽興啓西部有寡女年令一百六歲

其子譯官張孝建亦七十九歲而貧不能為養云 上曰

自該曹別為食物題給月廩亦給可也 述而

備

○肅宗十年甲子 大妃殿周甲誕日命朝臣及庶民勿

論公私賤年八十以上特為加資 仁祖朝曾經侍從人

并給食物後又以 仁祖朝相臣李行遠李時白李厚源

之妻并給食物其餘故大臣宰臣妻年七十以上者一體

存恤

備

○十七年辛未遣臣言侍從臣有老母被賜賚者將設宴以侈上恩宣廟朝西平府院君韓浚謙故叅判洪履祥等及仁廟朝新豐府院君張維故判書李植等為老母設宴時有宣醞賜樂賜物之恩故相臣盧守愼母年過八十設壽席宣廟至今朝臣赴宴賜樂賜物上以事甚稀賚依宣廟朝故事行之

○三十二年丙戌九月行老人宴于景福宮與宴者一百五十人命士族八十庶民九十以上加資婦女賜米肉耆老諸臣二品以上別賜衣資米肉三品以上賜米肉聚都下庶民耆老八十以上數百人于寬敞處令禮官具拜樂餽酒肉

○三十八年壬辰同知金尚信年百有七上命使官招

八令內官擔舁扶掖令該曹給衣資食物特賜貂皮帽掩一部

備

○英宗乙酉 上御興泰門賜士庶年九十以上綿朝士

年八十以上食物宰列以上父年六十以上侍從以上父
年七十以上特賜米肉奉親者朝官年七十以上士庶年
八十以上給食物又命咸興年百歲九十十九歲人關東
年百歲人加給食物

備

○丙戌賜庶民耆老宴於通衢

備

○丁亥知事李堦年百歲引見於集慶堂特加一資給宴
需

[illegible]

旌孝

文宗朝春川府民尹致事母孝母年九十常侍側卧起必扶夜具饌物隨母所欲而進之母食乃寢又於春秋宴同里人極歡以悅母心同府民劉育生亦性至孝母年垂九十常奉溷器無少倦色又不擇寒暑身自漁獵得甘旨必以献母四節宴鄉黨親族以安母心

○成宗朝南原君梁誠之以父葬陽智母葬橫城每以未及祿養為感及顯達請于朝以長子瑗監陽智縣次子琇監橫城縣各六年榮孝可謂無感碑

○進士申命和妻權氏

女璉

其姑苦病幾殆權氏焚香露禱

于天凡七晝夜權氏有少女一日見自天墮下一丸如鳥卵色赤者少女取而進之磨服則香臭滿室姑病即愈朝

庭聞而旌閭識小錄

○金澹江陵人性至孝事二親極其誠躬營甘旨朝夕侍側四十餘年不少懈二親連逝哭不絕音杖而能起以盃醕奠而伏帷前哀痛竟日盃輒輒人甚奇之常上山浮石欲作墓表天方凍不能施厠公扶石而慟石忽折裂拜如雷孝感之致人皆嗟賞朝廷三命官皆不至旌門復其役後以七十方伯啓聞特授僉知九十而卒識小錄

○仁祖朝朴長遠以正言製進月課及哺烏一絕曰士有親在堂貧無甘旨具微禽亦動人淚落林烏哺上問故院曰此人父母生存乎政院啓曰只有偏母矣傳曰觀其絕句誠孝非凡一家忠孝令人感歎風樹之悲古人所傷命賜米十石布五十疋朝野記聞

○李清風基高事親接物一遵小學鄉校舊洞諸名公以
公至行聞于朝廷仁祖特命廩之旌其曰孝子暨公
王母節婦安氏考孝子叅奉永膺先生至男妣節婦鄭氏
兄孝子秀才基稷妹孝女李氏并被表一家六旌門去所
未有赫然榮輝一在補歎之賜額曰孝子三在

蓮峯集



備

婚禮 雜婚附

世宗曰婚禮三綱之本正始之道故聖人重大婚之禮制為親迎之儀而本國風俗男歸女第其來已久不可猝變自今王子王女婚姻一從古制以為民先

○古者婚禮納采只用衣布小 婚夕宗族來會者只擎一盤行三盃而止耳今之納采皆用絲段多者數十疋少者亦至數匹祇用紗羅婚夕大設宴慰客新郎鞍馬務極豪侈亦有負財函前導者國家著法以禁之則預先送之

慵齋叢話

○我國婚禮於吉夕燭出納新婦翌日則新郎之所知者齊訪於妻家其家以酒食行宴名曰覽寢至於第三日夫婦始行同牢宴謂之獨坐甚為無理覽寢之名謂出於麗

率而又為不正之說傳會之尤為可革况無賴之徒托稱
覽寢和不知日逐婚家求饜或有每夕登高望炬火而尋
淫者大抵男女正始為重而連夜同宿始行相見之禮不
亦褻乎 中廟戊寅年間始行親迎禮已仰人亡禮從而
廢近來士族家於吉夕即依家禮行事者謂之真親迎即
夕就女家交拜壻宴明日謁舅姑者謂之半親迎覽寢之
弊稍革而正始之道殆復古風 侯鯖瑣語

備

○幼學金致雲始行親迎遂為定禮

○我東婚禮鹵莽婚夕委禽三日後方行合壻徐敬德始
折衷為婚夕合壻之禮至今行之晦隱集

備

○中宗十二年丁丑 文定王后嘉禮時 教曰古云婚
姻之禮正然後品物遂天命全可令禮官撰定親迎之儀

備

其修太平館以為館所 上具冕服親迎 王妃于太平
館 王妃御宣政殿受內外命婦賀百官陳賀于仁政殿
庭

時 上拓政府六曹教曰昔魯哀公問冕以親迎不已重
乎孔子對曰合二姓之好以緝先聖之後以為天地宗廟
社稷之主君何謂已重乎今雖勢異於古正禮豈可廢也
行親迎之禮以示臣民重配匹之意何如領相鄭光弼等
曰自 祖宗朝無親迎之禮臣等謂依五禮儀行之可也
上曰予見五禮儀他節目備詳而獨於親迎闕焉予意以
為正禮當自上行之然後下必效焉令弘文館博考古禮
直提學李紱等啓春秋紀履緌來迎女程子曰先儒皆謂
諸侯當親迎親迎者迎於其所館故有親迎授綏之禮所

謂親迎者迎於所館耳胡寧曰天子太上無敵於天下王
后所與共事天地宗廟緡萬世之重者也其禮使同姓諸
侯主之其詞命卿往送公監之父母之國諸卿皆送之京師
舍而止然後天子親迎以入按冠婚禮惟有士禮而無天
子諸侯之禮蓋成人之與夫婦自天子至於士一也朱子
曰古者天子必無親至后家之禮今妻家就近設一處却
就彼往迎婦歸館成禮一則妻家出去一處婿則就彼迎
歸成禮國家五禮儀只有王世子親迎之禮於納妃闕之
者乃以擇妃不得出他國亦用太上無敵於天下之例也
程子所云迎於所館胡氏所云諸卿皆送之京師舍而止
然後天子親迎以入於今日制禮為有可據但親至妃家
以迎則未安柳洵議宜親迎於館所宋軼南衮曹緡商崔

淑生丁壽剛鄭光弼金應箕申用既稚旬金銓尹旬高荆
山李縉並議五禮儀乃先王成憲豈必迎于委巷乃為
盡禮上曰從柳洵議鄭光弼等謂行此禮則頻率於成
憲祖宗朝禮文有可舉之事自我不行則可謂毀先
王之成憲素所不舉之正禮自我而行何毀之有自今以
後定為恒規添錄五禮儀註使後世遵行

○祖宗朝惟大殿及東宮嬪則收取士大夫年歲卑
子使之入闕而進擇此外雖大君之妻或令尚宮或令監
察可氏就其閭閻本家擇而議定至宣祖朝王子諸君
之妻亦皆收卑子使之詣闕親自擇之非徒失其先王
守之家法僭分越禮亦自此始矣松窩雜記

備

○仁祖丁丑年^{十五}

莊烈王后嘉禮時松木顯監姜興載疏

言兵火之後奢侈如前吉禮當前浮費必多願毋忘南漢之窘上善之將行告期禮貞憲翁主卒退行告期禮命退嘉禮於明春禮曹啓同姓叔母期而嫁則降大功天子諸侯絕期大禮不宜退徃在丁卯貞淑翁主葬日適與王世子嘉禮相值命改擇日其時議臣猶爭之以爲不可以私哀進退大禮况大婚乎魯昭公欲衰慈母有司以聞曰古之禮慈母無服今也君爲之服是逆古之禮而亂國法也今以無服之衰歆此於有服進退大禮不幾於魯有司之戒乎命議大臣大臣議同從之

備
○孝宗庚寅阮淑安公主嘉禮時領相李敬輿議婚姻時圍繞本非古禮况自上方在哀疚中百僚裹麻四方縞素二品以上多官寢白襲吉隨行於肅難之後斷無此理

六珈之妝百兩之飾宜務從朴素上從之圍繞服色定以素服

○孝宗辛卯世子嘉禮時命停會禮宴遂減內外命婦床排花朵

僉○國俗姓字雖同而鄉貫若別則例通婚嫁顯宗己酉下教禁之

備○顯宗辛亥世子嘉禮時輔德李端夏疏請凡以珠玉為服玩之飾者一切去之又請罷戶曹所納珠扇價且禁私家婚禮用珠扇

○我國揀擇之非栗谷已言之切而宣廟不果用駙馬之揀已甚不可而妃嬪之擇尤乖於禮王姬之下嫁帝乙之歸妹自有正禮為一女子盡聚國內童男而逆擇已極違

禮意初擇若干人再擇三人卜日更選一人名三揀擇禮
義之邦萬二不可有此事况 王妃及 世子嬪大君王
子夫人之選皆如玆待士族處子之道斷不宜如玆男先
於女禮也雖以文王之尊親遜于渭豈可使一國處女先
入闕自就取舍如自銜自謀者乎玆天下古今所無事自
恭定朝行之將四百年尚未奏正甚可慨也 王妃之擇
當博問詩禮之家幽閑之姿使解事有見識秩高宮人往
其家察行實試才藝檢其身幹觀其應對一有不合復求
他門可也寤寐求淑女正始配德之初豈可先行非禮乎
平論

補

○我朝國婚始無聚集親閱之規云傳 太宗教以李續
之子為駙馬使贅媒池和往訪之續方對客圍碁只云業

補

草屨當草經謂其相補方好也 上聞而大怒籍續家令

其子不得娶於是令士大夫子聚八闕庭親揀之僊說

○婚禮即殷湯所制見於易泰及歸妹雖周亦遵婚用白

馬殷制也賁之六四云白馬翰如匪寇婚媾殷正地統色

尚白僊說

○金應南子命龍洪可臣子案皆娶李浩女己丑之難可
臣上書請離婚命龍亦上書請離婚時應南赴京未還士論
不答應南而多為可臣惜之

金尚憲子光燦娶金珠女癸丑之難尚憲上疏請離婚禮

判李爾瞻以為法不當離婚光海命從自願離之權盼判書

孫躋娶元宗慶女李适之愛宗慶被誅盼上書請離婚禮

判李廷龜廢獎其忠請從亦可以觀立變荷潭錄

○丙子難後不許婦女離婚入丙子錄

○肅宗丙戌命議俞正基妻恭英離異當否禮曹叅判閔鎮遠議曰恭英性行不順訐訴其夫人之所共惡也擬以七去固無不可第聖人既垂七去之訓其下又有三不去語欲使後之為家長者參情理酌輕重不失忠厚之意非若國家典法之一定而不可撓也且去者其夫去之也離異者朝家使之離異也今日恭英之離異當否宜以國法為主按大明律妻妾毆夫者條曰凡妻毆夫者杖一百夫願離者聽令之言當離者皆引此為言恭英雖恃未嘗有毆夫之事則此不可謂當律也況其夫既死離異二字元無可施朝家事體今何可創設無於法之法乎命依議

補國法無出妻之文其更有不出妻之證邪出妻固有弊而

然其斷不可不出省猶為國法而不出乎南州有朴某者
其妻性惡一日忽逸縣不見官疑其被殺以此逮獄至重
刑幸不死後更嫵衣纓冢而其妻始出如此者又將奈何

僊說

庶孽被錮

太宗十五年徐選等請庶孽子孫勿叙顯職以別嫡庶之分
釋官雜記

○永樂十三年以後只許科舉正班而已自姜希孟安瑋
撰定大典之後始加禁錮

○李珉

字介叔
天諫子

中廟潛邸時進講孟子及即位特賜

原從功一等授內需司別提不時賜酒者數珉博極群書
老而不倦送魚叔權赴燕詩有云誠向金垵勤問訊中朝
亦有錮人無
釋官雜記

○宣祖癸未六鎮藩胡之亂兵判李珉陳請令庶孽納粟
北邊許赴文武科

○庶孽被錮始於

太宗朝因右代言徐選之言遂為定

法非古今之通例也李珣主兵因邊患建言庶孽納粟者許通赴科實出於一時權宜之策而議者以為不可至於論劾凡事變通之難如此然自壬辰亂後庶孽不待許通而赴科登仕者多矣

芝峯類說

彙

○趙憲疏曰臣竊見皇朝作人之路甚廣惟其有才則不

論門地如孫綽皋葵師之子而今為脩撰成憲文頭之子而今為編修此皇朝所以立賢無方者也蓋自高麗中葉權臣當國必恐忠智之士起自草茅而有妨於時政謀廢庶孽之科至于我朝謀國大臣祇為私其子孫之計而不及千萬世失人之憂并與再嫁子孫而禁錮之載錄於令典臣竊恐專防再嫁則范仲淹之才不用於世專廢庶孽則李仲彪之類又餓於時

彙

○仁祖乙丑李元翼在政府因玉堂副學崔鳴吉劄子庶孽許

通事定為事目良出則至孫賤出則至曾孫乃許登科許

要而不許清稟裁 聖旨兩司署經藏之禮曹所謂許要

者即戶刑工三曹即及各司等官之謂也其後吏曹一不

舉行崔鳴吉為銓長請依授教隨才擬望通川集乙丑許通見攻事撮

要

補

近去李判書家疏論庶孽防限之非明白切實令人淚下

仁祖朝玉堂長官崔鳴吉以下沈之源金南重李省身李

景容應旨論列吏判金尚容回啓命議大臣相臣李元翼

尹昉吳允謙收議無異辭方許要而不許清泰判金壽弘

亦疏請竟不行肅廟乙亥嶺南人南極井等九百八十八

人上書籲寃為喉司所沮吏判崔錫鼎疏言大典云失行

婦人之子及孫庶孽子孫勿許赴文科生進試又云失行婦女之所生至曾孫方許叙東西班職再嫁之禁止於孫而庶孽百世不許無乃甚耶僊說

○崔錫鼎吏判時疏曰庶孽防塞本非古制初自本朝中葉以前右代言徐選倡之贊成姜希孟緝之明谷嘗言徐選請庶孽子

孫勿許東西班正戚姜晉山希孟註其下曰所謂子孫子孫孫云

百餘年間禁錮成俗

及至宣廟朝先正臣李珥始發納米許通之論自是許赴文武科而清要諸職格而不許及至仁廟朝臣祖鳴吉為副學時請通庶孽議下廟堂定為事目以登科後許要而不許清稟裁上旨而久未舉行臣祖秉銓時啓曰無孽登科後例授之職不過奉常校書三四窠而已雖有才能之人無以展布事目內所謂許要戶刑工三曹郎官及各司

等官請隨才擬望蒙允後三數人注擬卽官後又不行今
過六十年矣天之生才貴賤非爾殊也中國及前朝所無
之法我國獨行之許多人中豈無才俊之士而枯項黃馘駢
死於蓬戶之下

宣廟嘗曰葵藿傾陽不擇旁枝人臣
願忠豈必正嫡哉可見聖人之心然以
賢輔卒未能有所變動如宋翼弼之學術為世大儒而終
於布衣卓喜季之文章禹敬錫柳時藩之才諳俱未能展
其騏足可勝惜哉古之人舉賢於釣屠取才於盜庫而先
儒亦有空取胥商之論今庶流之人雖不可比同於士族
不踰於胥商之賤乎即今世道迫沅習俗已痼雖未能頓
革舊弊如有可用之人空處以相當之職登科人依
先朝定例仍授三曹各寺而有吏才者畀以州郡其出倫拔

萃者不在此限至於納米許通之事初因尼胡之變以助軍興仍作通庶之階而第念若干納米不歸經費而貪無粟者無以自拔行之既久弊亦隨生豈除納米之法改許通之名則群情胥悅和氣自回

○肅宗丙子始定業儒業武之式至孫曾補幼學

○當子丁酉傳曰昔我宣祖教曰葵藿傾陽不擇芻枝人臣願忠豈必正嫡大哉聖人之言也然我國立國規模即重名分而尚地闊故許要不許清已有古人酌定之論而頃年始闢通清竇出於先大王之苦心而以其事多掣碍反歸於有名無實反上而落下噫匹夫含冤足傷天和況許多庶流其罷不啻幾億則其間豈無才俊之士可為需用而今則銓曹既不以通清侍從待之又不以奉常

校書處之進退俱難䟽滯無路祐項黃馘其將駢死於牖
下嗟彼庶流亦我臣子使不能得其所亦無以展其抱則
是亦寡人之過也其令兩銓之臣獻議大臣所以䟽通樊
拔之方另加講究文以至於某官蔭以至於某官武以至
於某官酌量其階梯消詳其節目以廣其仕路事分付
戊戌五月二十三日領議政金 所啓昨年以一名䟽通
事特下 綸音辭意懇惻凡在聽聞孰不感歎而兩銓之
臣尚不能仰體奉行至於外方以其啓下節目之未及頒
布未及知朝家處分之如何來聚洛下必歆呼籲閱月頻
聒聽聞惟駭汎亦諸生若是自明者內而銓曹外而列邑
苟能對揚聖意善為䟽滯則處置得當物情自可妥帖以
此更為申飭京外何如 上曰所奏誠然依為之

荅三道庶名儒生黃景憲等疏曰爾等之七朔守闕備陳
秉曲爾等之情事良足苦矣朝家之所以處爾等者元有
頒下節目則非不軫念也各邑之不遵朝家德音者自當
有申嚴之道矣所請序齒等事雖有先正之論俱係儒林
間事其令賢闕稟處

○國俗庶孽不敢稱父為父稱嫡母為母嫡兄弟姊妹親
鄰皆不敢以其號稱之與奴婢等天下豈有無父之人倫
紀乎矣春秋明嫡妾之分雖以其號稱之豈可無嚴分之

道
平論

禁改嫁

備太宗八年下教禮曹曰信婦德也一與之齊終身不改自世教衰婦德不貞士族之女不顧禮義或為父母棄情或自媒從人非徒自玷其身實是有累名教自今再嫁女子孫不置仕版以正風俗

備時大司憲南在疏曰古者已嫁者父母沒則無歸寧之義其謹嚴如此前朝之季風俗頹敗士大夫之趨謁權門恬不為媿識者耻之願自今文武兩班婦女除父母親兄弟姊妹親伯叔舅姨外不許相往以正風俗

○成宗十六年乙巳初頒大典令改嫁女子孫勿齒東西班

政事撮要

○嘉靖初年間有朝官姓鄭者閤其女早寡改適他人朝

廷以為敗壞風俗永不叙職裨官雜記

○改嫁子孫勿叙東西班之法始於成廟朝而士夫家恥之雖青年寡女絕不改醮者雖謂此屋可封可也但此法之立有同抑勒恐非所以通行於古今天下者也然壬辰之變婦人知以貞潔自守至於無知賤女罵賊而死豈非教化之所致歟芝峰類說

彙○夫死不嫁是天經地義聖人豈不以是為教哉然只是教之以禮使民日趨於善而已必不如今日之嚴刑峻法一截以繩之也頃者洪千璫之妹以曖昧竟被刑戮云南宜以御史之治獄不嚴至相貳於退溪今則又累及其子孫兄弟三代之時果有如此舉措手不以教化為先而只恃刑法則只是商鞅而已雖不敢為惡而為惡之心則未

嘗無也故今日人家奸穢之變例出於不忍言之地而反不如空然嫁與無故之人此法果足以善俗乎蓋聞麗季倫紀敗數或有殺夫而適他者故不得已而設此法云是乃矯一時之弊而已是所謂餌烏喙毒蛇以求速效於目前非所以服溫平劑以補其元氣也是果聖人之道乎若如來教則周公作禮何以制嫁母緦父之服乎程子何以取甥女再嫁耶周公豈不以禮為教而又豈不知不再嫁之為禮乎且忠臣不二君烈女不二夫同一義也我國何故不立二君之法而獨嚴二夫之律乎義若無異而同用一律則權陽村以下皆受重刑而今何不累及其疑子孫

耶老菴集與炭翁書

○我東士族婦人之不得改嫁本非定法其始也改嫁女

之子雖名門巨閥不許清顯士夫家遂不肯娶之有女家亦不肯嫁與鄙人漸成風俗今則自為法制之嚴者或只受幣未及奠鴈而婿有暴亡者或年幼只行合卺未及同牀而死者比二而年纔十四五為孀者不可勝數結冤傷和極矣天地之生久矣自古經幾聖人制禮未有禁改嫁者中國至今遵之獨此小域之俗迫隘至此人皆有不便心以東國禮嚴法密恐一開口得罪名教不敢出氣力言之可慨也名教者堯舜禹湯文武周公思孟之所出也此群聖賢所不立之名教何為而得罪且從天下古今所通行之改嫁亦所以防奸私陷罪也此宜明白論陳而更定法不擇門閥選為顯仕則自當無改嫁子祇塞之患變其法亦不難矣

平論

音樂

備 東方自羅至麗無雅樂高麗睿宗朝宋賜新樂又賜大晟

樂 徽宗時蜀道士魏漢律妄引身為度之文而以帝之中指中節為尺度傳會作樂名曰大晟樂

恭愍時明太祖賜樂器遣姜邯贊如京師請樂工精通衆音兼備諸技者叢送傳業帝命太常樂工赴京習業

備 ○太祖四年文廟告成 上欲親裸以閔安仁明習故典

命修樂器

備 ○定宗二年禮曹請考大宋頒樂圖

備 ○太宗五年移咨禮部本國 宗廟社稷樂器損舊請差

人齎價赴京收買以備用禮部回答奉聖旨工部造成樂器差內史朴隣等管送編鍾十六箇編磬十六片琴四張

瑟二牀笙二欖簫四管 上拜賜訖宴使臣于太平館遣
金承澤李膺如京謝賜六年 宗廟始用皇朝樂器

備

○十一年禮曹言前朝光宗遣使請唐樂器及工其子孫
世守其業至忠烈王時金呂英掌之忠肅王時其孫得兩
又掌之宋樂書亦云元豐年間高麗求樂工而教之然則
東方之樂出自中國也流傳世久恐或有訛乞與慣習都
監詳加審察尋其舊譜追唐宋之遺音定盛朝之正樂從
之

○樂章命削夢金尺受寶錄

詳太宗朝

○世宗正雅樂

詳世宗制作

備

○世祖四年 上以鄉雅樂本非二事別置二署虛實無

益合為掌樂署

詳掌樂苑

備

○九年上以世宗所制定大業保太平樂舞歌詞句數多凡祭數刻之間難以盡奏故師其意而制樂舞命崔恒製其詞

備

○成宗二十四年癸丑命成侃等撰樂學軌範分為雅唐鄉三篇而首之以樂調舞律皆廣引前書令人易解

○永寧殿用樂與宗廟異禮判李坡啓臣嘗記世祖之言於穆清廟祀文王之詩而用之郊用之廟我國保太平定大業之樂通用於宗廟永寧殿亦可也臣觀龍飛詩非徒述太祖之功無記桓王以上四祖之德永寧殿用樂合依世祖之教成廟以為然

名臣錄

備

○明宗八年癸丑以本國律管年久傳訛漸失其真乃差樂官一樂師三隨賀至使閱其朝京禮部令太常寺選取

精通音律樂舞生二人與樂官樂師逐日校正閱其先回
樂官宋琳等留此京兩月始歸而律管一部有圍小而形
偏者蓋因樂官思歸促令速成而工人苟充與之也琳等
又不肯傳習唐樂而歸禮判鄭士龍詰之琳等無以對

律管乃永樂三年皇帝賜與者也至是以爲年舊損舊
移咨禮部請收買應用其畧曰原用律管歲月既多其
所差訛不止毫忽况兼該寺各樂傳習已久以訛傳訛
漸失其真所據音樂用之於廟社用之於宴禮以和神
人今差樂官一員樂師三名齎帶價布跟隨貨至陪臣前
赴京師煩乞轉達特許收買及着太常寺樂工與他校
正以同聖朝律度量衡之制云云咨中所謂該司各樂
云者指唐樂如今唐琵琶之類也禮部四啓畧曰朝鮮

之事朝廷職貢甚謹朝廷之待朝鮮恩禮素優正朔所
及量衡必同而况管籥音律乃禮樂之大者豈敢不請
聖朝擅自制作合無行移太常侍選取精通音律樂師
生二名與差來樂官樂師逐一校正其律管合無俯從
從收買惟復特恩頒賜以示優禮奉聖旨律管者賜與
欵此為照律管為音樂之本其製造精工詳氣尤協要
非旬月之間可以精造者合無省令通事一員樂官一
員樂^師三名從人一名留京守候待造完領回其陪臣等
官先行遣回奉聖旨是云云議者以為彼此俱得其體

海東
野言

備
○仁祖乙丑世子將冠禮判事廷龜請曰人君出入皆有
軒架鼓吹大小行幸皆有前後鼓樂此所謂鳴和鑾清節

奏非其遊豫實閑威儀非喪與灾不可斷懸也 聖上即位之初有奴酋平定間勿用樂之教常時舉動皆不用樂此實無前之變禮也天下未有無樂之國故吉事賀禮未嘗無樂至於冠禮則儀禮曰士冠無樂此三加醺字之時也春秋傳曰君冠以金石之樂奏之許慎曰士冠無樂而國君飯必舉樂冠而無樂非禮意也以此觀之國君之冠用樂可知五禮儀世子三加醺字無用樂節次而臨軒命賓贊時有軒架鼓吹蓋奏酌儀禮及春秋傳也諸依禮奏樂從之

彙
○四年丙寅仍遵臣吳允謙所啓命 世宗以下廟樂考出寶錄後如不見錄則追製用之禮曹啓以寶錄中只有自翼祖至 世宗七室樂章而與樂學軌範所載之辭

全不相同孰孰成於成宗末年而文宗世祖以下廟樂不載蓋太廟樂章非但載於孰孰亦詳載於五禮儀除引入引出初亞終獻各自以九章為一曲舞其於永寧殿則曰樂舞與宗廟同以此觀之四祖既禋之後太廟仍用四祖樂章永寧殿亦用太祖太宗樂章明矣蓋用各室之樂則樂章長而奠獻易終奏終徹不成曲舞故作為一樂始贊先德終贊列聖以為通用之樂其意非偶然雖以儒臣所考言之西漢則只就功德茂盛之處而製樂宋元似有各室之樂而不得其詳皇朝則太祖太宗各有樂章而仁廟以下通用之孰孰必倣此為之矣傳曰宣祖廟當別有樂章大臣尹昉申欽意皆同遂命大提學樸重光一章添入於初獻貞明之下

備

二十年壬午護軍韓明勗上疏言享祀慶樂臣未知可也以為遇亂而不可樂則孔聖厄於陳而絃歌技圍於匡而命之歌聖人不以遇亂廢其樂也疏下備邊司議

二十四年丙戌告廟自明年春享復用樂

彙

○顯宗乙巳宋浚吉劄曰 太廟諸室以九章十一拜通

用而文昭殿未罷時各室各有樂章其意不可曉也 宣

祖朝禮判黃廷或請於 太廟一室各撰一章 仁祖朝

吳允謙亦有此請而皆不採用但為 宣廟別製樂章

孝宗朝掌樂正權堦請別製 仁祖樂章諸大臣皆以為

不可夫既為 宣廟別製樂章則上焉若 世祖成宗中

宗下焉若 仁祖孝宗獨不可別製乎且 太廟之樂雖
名一樂通用而實則各室各奏一章 太廟今為十室則
第十室無可用之樂故不獲已以引出曲繹成章用之引
出時又疊用其章 永寧殿所奏亦如汎何等地而禮樂
之顛錯至此邪且其所製長短不齊其甚短者禮未訖而
樂先畢故伶人輩或再奏其章此甚未安也

備

○肅宗元年禮曹言凡大祀則卒哭後用樂昭載禮文故
昔年親行祈雨時議大臣默後用樂今茲親祭為生靈祈
澤于天依故例用樂為宜從之

○南九萬丙子劄曰 宗廟永寧殿登歌之樂章初獻用
保太平十一拜而除引八熙文引出繹成二章則其間所
用之拜實九章也亞獻終獻并用定大業十一拜而除引

入昭武引出永觀二章則其間所用之舞亦九章也此外
又有初獻前迎神奠幣進饌三章終獻後撤籩豆送神二
章蓋我朝禮樂之制作始於世宗朝成於世宗朝定
於成宗朝故而樂章其補述祖宗功德始於穆祖之

浮海止於世宗之征倭其後雖以世祖之受命中興

成宗之身致太平皆無所補述誠以樂既備數不可添加
故耳非有關文而然也商周之頌成湯高宗及后稷文武
各有廟樂象其功烈者以古者宗廟之制都宮之內或七
或九各立其廟各專其祀故亦得各有其樂西漢廟制雖
與都宮有異然各廟各祀未嘗不同故其祀文帝王帝也
皆以廟樂不稱為言而別作昭德之舞文始之舞及至漢
明以後太廟皆用一廟之內以西為上之制廟不各立則

樂亦不可各用固也我朝樂章其必以九備數者周禮曰
於宗廟之中奏樂九變則人鬼可得以禮矣是以繹成
章曰樂既九變盡美盡善然則當初定樂備數之後安得
於列聖之陞附遜位制樂添加於九章之外乎仁祖
朝撰所宣祖朝重光一章尤為未安若以祖宗功德
言之則定樂之後世祖成宗中宗宣祖并是世室而只
撰宣祖廟一章有若於世室之中有所取舍而衍為十
章其於樂必九變之義大相逕庭矣若必欲有所變通則
初獻亞獻依前用保太平定大業九章至於終獻寢前日
疊用定大業之規則成一樂以備九章而於其九章之中
稱頌世室九位之功德則其於舊樂初無添恐改鑠重光
一章亦可備數而為用稍似穩當而第念我聖朝曆數無

彊見今五室九位之外世二觀德又未知有幾廟則終猷
既備之後更難添加又必有如今日之時矣此等處難得
其恰當道理前副學李鳳徵之疏乃有每室各加一章之
請該曹又獨請於仁祖室別撰樂章以臣愚見似皆難
施矣

儲

○英宗十八年教曰感動神祇之道專在於樂今之雅樂
長短節奏不能諧協聽之令人憤二此必樂律差訛而致
然也乃以弼善李延德頗曉音律命差掌樂正設樂器都
監以延德兼郎廳看檢校正見昌德慶熙宮樂架動磬多
刻以癸丑卽世宗朝朴堧所造也又於社稷樂器庫塵
土中及備邊司井中得石磬二十四九刻癸丑者十五
世宗嘗得古鍾磬二堵於池中乃作雅樂故上益慨然

有更新雅樂之意送賁咨官于燕中購得笙簧造法勅樂院提調勸懲賞罰俾有實效

補前朝皇風樂者倣唐時正樂之音而頌王氏始興之功國初命鄭獠趾等撰龍飛御天歌就其中上七章下三章為與民樂凡因皇風樂腔節以叶歌仁即四言却與古合也是為我太祖廟樂而然其詞鄙俚不雅率以私邸時射獵擊毬雜戲之事為第一義必將貽譏後世列聖朝每迎詔于西郊自殿陛奏與民樂至崇禮門內方闋更奏至慕華館方訖宣廟初年樂漸促數自殿陛至廣通橋已闋識者憂之未幾有壬辰之亂所謂獻仙桃壽延長五羊仙拋毬樂蓮花垣舞鼓六条即高麗樂國朝遵用又添夢金尺受寶籙觀天庭受天命荷皇恩賀聖明六花

隊等樂蓋多典雅題目然不越乎妓樂如六花隊之屬莫非兒戲而循用三百餘年莫之通變樂以和淡為貴非所以導慾也朝家有事選上八方妓女傳粉施朱雜遝廣庭至妙舞飛燕釋迦世尊等語令人代羞 世宗朝雅樂一斷不用女樂事載 英陵碑可攷恨世無舉奏準行者

說僊

○東人效元良哈舞搖頭揚目聳肩屈臂二股十指同時屈伸或作張弓狀或作狗行狀或為熊經鳥伸進退風生自公卿大夫以至士庶人倡優女子解音律便容體者無不為之號胡舞枝之管絃右贊成魚有沼尤善之安應世曰媚人之行柔慢之態非人所為况我狄譬如禽獸安得吾身加禽獸事乎

秋江冷語

彙 ○高麗初樂官倣唐時夾階正樂之音作皇風樂而樂章

頌王氏始興之功德凡國王大朝會行幸必奏之及國初
命詞臣製龍飛御天歌五卷取上七章下三章為與民集
樂因皇風樂脗節而協歌之 上迎詔勅于西郊則樂自
殿階奏之至崇禮門內方闌又更奏至慕華館下輦乃訖
宣廟初年樂漸敷初闌例在於廣通橋樂官深憂其燠殺
未幾有壬辰之變光海時則哀促靡嫚殆不可收拾矣

錄

識

○我國樂冠玄琴象古五絃而加一伽倻琴象古瑟而減
十三絃俗樂風八松瑞鷓鴣水龍吟五雲捧瑞圖等章宋
道君時所賜大晟樂也

識小錄

○三國各有音律樂冠然今不可詳惟玄琴出於新羅伽
倻琴出於金官

金海

大琴效唐笛而為之其聲最壯鄉琵琶

亦倣唐琵琶其設掛則與玄琴同有典樂宋太平善彈其
子田守傳其法尤妙絕群如麻姑爬癢靡二不厭田守亦
善唐琵琶都善吉與之齊名士庶學樂必先琵琶然無拔
萃者惟金臣蕃盡得善吉指法而豪縱過之盲李班善玄
琴遇知於世宗出入禁中金自麗善鼓琴伶人金大丁
李中知權美張春皆一時人當時論者云大丁之簡嚴中
知之要抄各臻其極大丁早誅春美皆凡手惟中知為士
林所重成覲安琛蔡壽常注學中知死後其音盛行於世
今士大夫家女僕亦有能之者典樂金福根樂工鄭玉京
為第一手妓上林春亦近之伽倻琴則有黃貴存金卜山
善彈旨鄭凡亦能之世宗朝有許吾絀有李勝連徐益
成勝連遇知於世祖拜軍職益成注日本而死金小材

善牙箏亦死於日本

慵齋叢話

為樂有三有知五音十二律之根本而為之用者有知

節奏緩急而為之譜者有精於手而天機要妙者黃孝誠

能用而多作譜遇知於世祖官至禦侮將軍今有朴親

者錦川君朴薑庶子

耕之

才過孝誠學樂者坐集其門

慵齋

叢話

○金駟孫書六絃琴背曰舜五絃文王七絃六絃非古也

晉以七絃琴送高句麗王山岳增損其制作六絃今用之

六絃於吾東亦古矣銘曰物不孤當遇匹曠百世或難少

噫此物不我失非相待為誰出

海東推錄

○掌樂院以解音律人為負朴瑛鄭沉皆自郎僚竟至提

調有朴姓官人年老失職粗學律呂新書上疏求為樂官

朝廷不知而用之遂兼主簿轉陞僉正每對人論五音十二律之糟粕人皆以為知樂而其實一不知也

慵齋叢話

○凡俗樂例於進豐呈等內宴皆奏之瓊花店一曲亦不可況於觀音讚乎所謂觀音讚不知始於何時必高麗之世有能文阿媚者之所撰也每節有阿彌陀佛之語又其全篇專頌佛道而迄今幾年不曾有論列而革去之者可歎也

釋官雜記

備

○樂院所存四琴所書一曰靜對一曰風搖玉珮一曰九霄鳴珮一曰清古而有四句琴銘宋帝押字又有復古殿三字御書之寶復古殿在紹興府高所建知此琴非徽宗所賜高宗體先帝厚遇高麗之意特撤而貺之乎

備

○新羅古記云初晉人以七絃琴送高句麗仁人雖知其

為樂器而不知其辨音及鼓之之法購國人能鼓者厚賞
時第二相王山徽存其本樣頻改易其法制而造之兼製
一百餘曲以奏之於是玄鶴來舞遂名玄鶴琴後但云玄
琴羅人玉寶高入地理山雲上院學琴五十年自製新調
三十曲

○伽倻琴羅古記云加耶國嘉寶王見唐之樂器而造之
王以謂諸國方言各異辨音豈可一哉乃命樂師于勒造
十二曲于勒以其國將亂携樂器投新羅真興王王大悅
諫臣言加耶亡國之音不足取也王曰加耶王淫亂自滅樂
何罪乎

太祖三年甲戌西北面都節制使崔永趾執送挈家來投
人一名善吹簫曰太平簫太平簫本於軍中用之今定大

業之樂兼用之

彙 ○處容之戲肇自新羅憲康王時有神人出自海中始現
於開雲浦來入王都其為人奇偉倜儻好歌舞益齊李齊
賢詩所謂貝齒頰顏歌夜月鳶肩紫袖舞春風者也初使
一人黑袍紗帽而舞其後有五方處容 世宗以其曲折
改撰歌詞名曰鳳凰吹遂為廟廷正樂 世祖遂增其制
大合樂而奏之初依僧徒供佛群妓齊唱靈山會相佛菩
薩自外庭回環而入伶人各執樂咒瓊鶴人五處容假面
十人皆隨行緩唱三回入就位拜漸促撞大鼓伶妓搖身
動足良久乃罷於是作蓮花地戲先是設香山池塘周挿
彩花高丈餘左右亦有畫燈籠而流蘓掩映於其間池前
東西置大蓮萼有小妓八其中樂奏步虛子瓊鶴隨曲節

翱翔而舞就咏蓮萼獲小妓排萼而出或相向或相背跳躍而舞是請動動也於是獲鶴退處容八初奏縵機處容成列而立有時彎袖而舞次奏中機處容五人各分五方而立拂袖而舞次奏促機絙為神房曲婆娑亂舞終奏北殿處容退例于位於是有一人唱南無阿彌陀佛群從而和之又唱觀音贊三周回匝而每於除夜則一日夜分入昌慶昌德兩宮殿庭昌慶用妓樂昌德用歌童達曙奏樂各賜伶妓布物為闢邪也

慵齋叢話

補三國樂府百濟倣華制而亡後即散失勾麗至唐武后時餘存二十曲新羅三竹三絃一千四百五十一曲鄉樂會蘓辛熟突阿枝兒詩惱憂息美知都領歌捺絃引諸曲亦多此皆太常所志而今無一存

旅菴藁

女樂

備世宗命會禮雅樂奏舞童之伎不用女樂宴隣國使客亦不用女樂

備

○文宗庚午中樞院使朴堧上疏曰公宴不用女樂禮也太宗之世使臣端木禮來見女樂深以為非不許一陳今年春使臣倪謙司馬恂等下馬之夕見女樂之集曰此夷風也夫以禮義之邦何為而自取玷辱若是哉太宗為是之耻乃定制使臣宴享^母用女樂世宗嗣立深體先志會禮養老不用女樂隣國客宴亦用男樂此我國曠古

所無之正禮易俗移風之盛舉也獨於使臣宴享重於更
寢且無事機以致使臣吳良肆歆荒耽辱使命汚禮俗
殿下之所親見聞也世宗非不欲一雪其耻永法其弊
第以累代遺風重於改作今新皇帝登極適丁聖主即
位之初革舊更新此其時矣願聖上裁之於是下政府
議領議政河演右贊成鄭萃左叅贊鄭甲孫議勿用女樂
右議政南智議童男難絀且用之已久豈可因倪謙之一
言遽即廢之請令禮曹慣習都監更議左贊成金宗瑞議
女樂非禮故自古及今皆不用於公宴我國用於朝廷使
臣之宴因循以至於今者以他無可用之樂故也自今一
應公宴毋用女樂庶合禮俗然遽革為難令禮官熟議詳
定

備

○成宗八年教曰正殿用女樂非祖宗常法世祖特一時權宜用之因循至今自今曲宴外凡正殿宴禮勿用之其歌舞之童預令教習

○二十二年大司憲金礪石等上疏論宴饗女樂曰方羣臣禮接之時使拜色近於王座褻慢甚矣拜色成湯所以不通女樂夫子所以去國何必用女樂然後為君臣相悅之樂哉我朝凡所施為一遵華制而獨女樂一事未免有累於聖治也令領敦寧以上及政府議尹弼商李鉄堅魚世謙等以為憲府之言甚正然宴享女樂行之已久凡中朝文獻之士極稱我國禮義之邦而未聞以用女樂為非也四方列國各有風俗事之無害者夫子猶不去之鄉儼獵較之類是已今中朝雖有官吏宿娼之禁亦不能頓

革至於朝廷宴享例用倡優雜戲此何愈於女樂乎今雖不革女樂未必不為知禮之邦也

備
○中宗己巳命議罷女樂當否金壽重以為女樂用於禮宴甚褻慢但君臣禮宴不可無樂令該曹酌定男樂之數教閱用之朴元宗成希顏鄭眉壽權均李孫洪景舟金俊孫宰允武李玷等以為不可革柳順汀朴安性等以為只用於內宴閱孝曾金應箕等以為考設立之意而改議盧公弼申周漑以為可革鄭光弼以為女樂固為弊政至於正殿尤卻俚宜正士之所欲革但若悉用男樂則男丁出處冠服等事極難 祖宗朝非不知弊風而因循至今者意必有以也目舊為便從光弼議

○辛未以減女樂便否問于掌樂提調柳順汀禮曹判書

申用漑順汀用漑等請京中女樂仍舊外方可革者革之

○已卯春始諫請革罷女樂

中八中宗二十年已卯備考作誤

○飲福宴用女樂

詳祭享宣祖庚辰

○宣祖朝玄蘓寺來將親賜接待憲府啓曰接見夷人禮

莫盛也而若以女樂肆然并陳則非帝王之遠女色而視

遠人之道也請命該曹代用男樂依啓

寄齋雜話

○仁祖撥亂之初司諫李聖求建罷女樂

荷潭錄詳仁祖相臣

○趙翼庚午劄曰昔齊人歸女樂季桓子受之三日不朝

孔子行孔子答顏淵為邦之問曰放鄭聲遠佞人鄭聲淫

佞人殆記曰奸邪亂色不留聰明淫樂慝禮不接心術然

則女樂本非國家之所宜畜端人正士之所宜近也自古

帝王之治未有女樂唯唐玄宗時有梨園弟子陳後主時

有女樂士二君皆致亂亡不足為法也我國之有女樂不
知自何代臣頃往江華考實錄見 睿宗教曰邊邑妓仍
存內地妓皆罷邊邑則將士雉家久戍衣服破綻難以補
綴妓不可罷也其時議者以為天使時外方妓必收聚京
中若內地無妓則遠徵邊上不便以此觀之是時無京妓
可知也雖曰豐呈不可無女樂然自古帝王孝奉母后者
多矣未聞以女樂娛悅也昔越圍吳趙襄子降食家臣楚
隆問故襄子曰黃池之會先生與吳王言曰好惡同之夫
趙鞅與吳王有一言之約而吳之被圍其子為之殺食今
我國之於天朝恩義之重視襄子之於吳萬亡當此皇城
戒嚴我國君臣皆當憂戚度日豈容使城中樂舞紛亡乎
始臣罷遣之請既蒙允俞而今又有留之之議伏願固守

俗節雜戲

歲省名日所舉之事非一除夜宮中驅儺民間亦倣此事
雖無侏子以綵竹葉紫荆枝並母塋桃東枝合而作帚亂
擊櫺戶鳴鼓鉞而驅出門外曰放枝鬼清晨附畫物於門
戶內扉如處容角鬼鍾馗幪頭官人介冑將軍檠玗寶婦
人畫鷄畫虎之類也除日相謁曰過歲元日相謁曰歲拜
元日人皆不事爭聚梟廬之戲飲酒遊樂新歲子午辰亥
亦如之且兒輩聚蒿草燒園亥日曰薰豸子日曰薰鼠喙
諸司限三日不仕爭往親戚朋僚投名刺而大家則設丞
受之近年此風頓變亦可以觀世變

慵齋
叢話

○除夕處容戲

詳音
集

○驅儺之事觀象監主之除夕前夜八昌慶昌德闕庭其

為制也樂工一人為唱帥朱衣着假面方相氏四人黃金
四目蒙熊皮執戈擊柝指軍五人朱衣假面着畫筮判官
五人綠衣假面着畫筮竈王神四人青袍幪頭木笏着假
面小梅數人着女形假面上衣下裳皆紅綠執長竿幢十
二神各着其神假面如子神着鼠形丑神着牛形又樂工
十餘人執桃刻從之棟兜童數十朱衣朱巾着假面為佞
子唱帥呼曰甲作食殂赫佛胃食虎疫雄伯食魅騰簡食
不祥攬諸食咎伯寄食夢強梁祖明共食磔死寄生委隨
食觀錯斷食臣窮奇騰根共食盞惟爾十二神急去莫留
如或留連當嚇汝軀拉汝幹節解汝肥肉抽汝肝腸其無
悔佞子曰喻叩頭服罪諸人唱鼓鑼時驅逐出之

婦齋
最話

備
季冬大儺行於先化門及都城興仁崇禮敦義肅靖門觀

彙

象監率儺者曉進勤政門外承旨啓請逐疫入內庭倡和周
呼訖鼓譟出先化門每隊持炬逐至四郭外奉常寺官先
備雄雞及酒儺者將出磔雞酌酒祭畢瘞之五禮儀
○仁祖元年儺禮遂停罷 肅宗十八年命依五禮儀設
行

○內農作國俗於元月望日縛藁作穀穗連帚象多實架
木通索以祈年穀闕內因國俗稍煩其制模象七月篇所
載人物以為畊種之狀初非欲作奇巧亦是務本重農之
意至末流左右分邊有勝負勝者有賞官吏工匠競新巧
假物作形極其真妙搜括物色市肆一空 中廟癸酉李
蘋素深刻有幹能政院啓屬右邊故事六承旨分屬左右
有屬左邊者囑其僚下曰李蘋左右君等之事去矣僚下

即奮袂曰我輩辦事豈在人下乎與爭長物論嗤以今年
觀儻觀火不宜更為無益之費究極戲玩始諫侍從並請
勿行政府以十五日適月食中外修者救災不宜更設玩
具 上曰 祖宗故事不宜廢農作不必於十五日觀之
雖退日觀之無妨云始諫累論其不當不久

雜記

○十五日為元夕設藥餌藥餌出新羅始知王於正月十
五日幸天泉亭有烏御銀檯置于王前檯裡有書封之甚
固外面書曰開見則二人死不開見則一人死王曰二人
死不如一人死有大臣曰不然一人謂君也於是遂啓視
其中書曰射宮中琴匣王馳還入宮見琴匣持滿射之匣
中有人乃內院焚修僧與妃通將謀弑王其期已定妃與
僧皆伏誅王感烏之恩每年是日作香飯飼烏至今遵為

俗節其法洗蒸粘米作飯細切乾柿熟栗大棗乾蕨烏足
筭等物和清蜜清醬而再蒸之又點松子胡桃其味甚甜
謂之藥飴俗言食飴當於鴉未起時

慵齋叢話

○踏橋自 中廟末年都中人相傳以為上元夕踏過十
二橋則消本年十二朔之灾於是婦女乘轎稍賤者以化
甲蒙頭徒步以行庶女則相聚作曹乘昏踏橋如恐不及
無賴男子三五成群追踉其後事甚醜穢至 明廟朝始
官拿捕治罪婦女踏橋之風遂絕而男子勿論貴賤成群
踏橋至今成俗

釋官雜記

○石開

○蹋板

○元日相慶新羅遺俗唐書曰元日相慶是日拜日月神

輿地
勝覽

○顯宗己酉有大臣言歲時進排松葉涉於祈厭不經請

罷上納其言凡桃杖桃枝人勝絲畫悉命罷之

朝野
僉載

○二月初一花朝乘曉散松葉於門庭俗言惡其臭與而

作針辟之

墉齋叢話

○三月三日人皆出遊郊野有花則煎糕設酌又採新艾

葉作雪糕而食

墉齋叢話

○四月八日燃燈俗言釋迦如來生日春時兒童剪紙為

旗剝魚皮為鼓爭聚為群巡閭巷乞燃燈之具名曰呼旗

至是日家二樹竿懸燈豪富者大張彩棚層二萬盛如星

排碧落都人終夜遊觀無賴少年或仰而彈之以為樂

墉齋

叢
話

○五月五日曰端午懸艾虎於門泛菖蒲

艾菖蒲作帶又採蒲根以為鬚都人樹棚於衢市設秋千之戲女兒皆靚妝服鬧於坊曲爭扶彩索少年群來推挽之淫謔無所不至朝廷禁而戢之

○六月十五日曰流頭昔高麗官官輩避熱於東川散髮于水浮沉而飲酒曰流頭因為俗節作水團餅而食之蓋槐葉冷淘之遺意也 慵齋叢話

東都遺俗以六月望浴東流水因為禊飲謂之流頭宴蓋以河朔避暑之飲誤為禊飲耳 全克已集與地勝覽

○七月十五日俗呼為百種僧家聚百種花果設盂蘭盆京中尼杜尤甚婦女至集納米穀唱亡親之靈而祭之注僧人設卓於街路而為之今則痛禁 慵齋叢話

○高麗十一月設八關會

詳僧教

景

○觀火之禮軍器寺主之先設具於後苑有大中小例所
賞甚廣其法以厚紙疊裏砲筒中納石硫黃焰硝班猫柳
灰等物堅塞築之付火其端則須臾烟生火熾筒紙皆破
群振天地其始也埋置火矢於東遠山以千萬計火入則
矢無數抽上射于天随破有拜狀如流星滿空燁燁又樹長
竿數十於苑中竿頭設小包御前懸彩籠自籠底結長
繩屬諸竿縱橫連亘每繩頭置矢軍器寺正奉火遂納籠
中須臾起焰落于繩矢從繩而馳觸于竿二有小包二柝
大光回轉如轉輪之狀又從繩而馳觸于他竿如是馳觸
相繼不絕又作伏龜形火從龜口而出烟焰亂瀉如水流
下龜上立萬壽碑大明碑裡碑面字亦照灼又於竿上捲

簇以繩結之火從繩而上火盛繩絕則盡簇下張簇中書
字歷二可辨又作長林刻為火葉葡萄之形火生一隅須
吏冒焚林樹火盡烟滅則紅葩翠葉馬乳下垂之狀真偽
莫辨又優人蒙假面背上負木板二上設包二柝火盡猶
自呼舞曾不畏怕此大畧也 上御浚園松岡召文武二
品以上宰樞入侍夜深乃罷 懋齋叢話


○闕戲每歲夏冬成均館儒生書紙為闕字尊孔子為王
而奉之以東學為復聖公國南學為述聖公國中學為宗
聖公國西學為亞聖公國如諸侯之仰天子以館中上下
舍之人注百官之職吏曹掌銓選辨別賢否擬奏悉當拜
承旨者設銀坵宴人姓有涉孔字丘字者皆注宗正之職
如有不遜者以細條帶作鑲鎖頂而來囚于房板下命義

禁府提調推之甚至橫逆者作草人像斬之其遷都則闕
字初寓東齋陞明倫堂頒赦後寓于西齋為宰樞者畫紙
為帶或付麥莖為金剪白紙付于綱巾謂之玉貫子為將
者剪紙為羽挿于笠上作戎服狀四學遣使來朝以雉為
海青而敵之禮曹宴來使饋一盃酒肴用熟豆令齋直小
兒擊鼎盞歌而侑之名曰動樂館亦遣使于四學謂之天
使其學以布衣紬衾裹室柱以為結綵而迎之昔尹深上
舍為天使褰耆衣之紅裏者騎竹過市人爭笑之深揮手
作漢語狀有若無人專不愧恥釋奠祭前一日抽名作三
公其餘上舍皆以別名封伯下齋亦皆拜職有差四學儒
生來助祭者則以詼諧為題使之製述第其高下名曰天
塲及第唱榜於庭大書改草布於大成殿庭獻官先生皆

聚觀之與朝廷無異 太宗朝有內官見遷都之事馳奏
曰成均館儒生謀叛矣 太宗詳問其由傳曰此儒生古
例其來已久其勿更言余昔居館少時亦嘗為之

痛齋
叢話

庚寅仲
秋膳書





續

問

經

州